

清江全集

第二册
诗词终



436
7712

0 1cm 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28

deli 得力集团有限公司
浙字02260122号 No.6230



清江全集







青工貝先生詩集卷五



昆明市農會移交圖書




清江貝先生詩集卷五

七言古詩

青蘿山房歌

并引 附考山 屬金華浦江縣

青蘿山在仙華之東蓋仙華為黃帝少女升
 天處其山峭豎千仞而支別為青蘿今翰林
 學士宋公景濂讀書其下因名其所曰青蘿
 山房絕嶺之雲煙長溪之魚鳥皆接於耳目
 之間矣公雖去此而猶眷眷不忘間屬予賦
 予聞適意山林者恒抗公侯之富而爭名市
 朝者恒譏處士之介是皆得之此而失之彼
 惟公則不然昔之藏也非必於山林安其時



昆明市農會移交圖書

也今之仕也非必於市朝行其道也故在青
蘿不爲損至於視草北門亦不爲加隱顯一
機喧寂同趣孰得而窺其際耶公擅一代之
文章所著多行於世而貯於山房者必有光
氣燭天與山之寶玉同不泯矣遂爲之歌曰
仙華之山何嶄絕兮插天萬仞青相磨山勢東來忽平
地蜿蜒不斷爲青蘿青蘿隱隱如崩石夸娥負山山爲
折欲叫軒轅向何處千古萬古空遺蹟玉女得道登雲
車凌空直上太清家雲車不復返落盡金莖花風淒淒
兮又下雨行人慘兮子規語山回路盡或逢花知是青
蘿山人結茅宇山人紫府神仙客身今六十頭尚黑胸

蟠五色天女絲手煉五色神媧石絲可爲君成天章石
可爲君補天隙一朝寘之白玉堂青蘿寂寂寒無光何
年借我白石床臥看明月來東方與君酌酒歌我曲君
歸早訪初平羊

題火龍烹茶圖

并引

右火龍烹茶圖蓋寫古帝王事而斷縑落粉
半爲好事者裂去獨有茶具及黃衣中使拱
而立者二人烹茶者一人曲江錢惟善定爲
唐之玄宗豈嘗見其全歟然所謂玄宗者不
知當勵精圖治與張說一二大臣共樂集仙
時耶抑其旣耄而昵於妃子時也特人物位

置要非院工所及未暇考譜以實之姑爲題
其左云

松聲忽作秋濤雄銅龍吐火鱗甲紅黃衣中使備玉食
泉出金沙甘露濃春風一旗色尚活建溪山人雨前掇
蓬萊殿裏沃焦餘玉盃分霑侍臣渴名花喚起海棠魂
細葉未數丁香根宮中一日歌舞散世上千秋圖畫存
開元盛事何人省書生亦解誇雙井空山埽葉燒破鐺
閉門讀書秋夜永

己酉清明

白紵衣鮮紫驪馬清明酌酒梨花下馬蹄一去不復來
梨花又見清明開城南城北多新墓日落啼鴉滿高樹

有酒誰澆千歲魂子孫盡發濠州住主人更勸金叵羅
阿蠻起舞玲瓏歌生前不飲君如何

壘甕吟

清江老人腹空洞白首談經恥無用酒酣入水問河神
乞我黃壘三百甕平生不羨將軍腹冰壺先生真我族
山妻日晏具朝餐露葉霜根甘勝肉君不見海上巨族
如公侯詔書夜遣官兵收

耕樂吟二首

南邨北邨喧僕姑一雨已蘇百草枯青稻如雲不見塗
木龍三伏閑在隅桃源之樂人間無阿翁哺雛妻餉夫
生來不作章句儒但擬百斛量明珠東家擊鮮大作社

西家酒熟攜滿觚詔書昨日五門下天子盡賜今年租
近天不必城南社范蠡湖頭一茅宇瓜生隴上已離離
豆長南山少荒土出門豈識卿相尊對客何憂子孫魯
歲祈五風十日雨上無飛蝗下無虎四海從今盡中國
作歌且為歌洪武但存父子與君臣風俗當如結繩古

余避地千金圩屢遊爰史兩山酒酣興發賦詩

一首惜山中無賞音者姑錄以自娛云

附考史
山即爰

山東
峰

神人夜割蓬萊股蒼然尚作青獅舞爰基得道此飛騰
煙火千家自成塢前年盜起官軍下存者如星纔四五
我來欲置讀書牀出入未愁穿猛虎山寒月黑無人聲

夾道長松作風雨佩環何日歸公主泉下銅棺閱千古
石仆麒麟罷官守林宿鷓鴣聞鬼語苦耽勝槩惜殘年
共說當時悲老父錦繡池臺已零落田翁八十鋤新土
傷哉土俗尊巫覡伏臘荒祠沸簫鼓祠旁鑿井深不枯
雲氣隨龍有時吐試上崔嵬望沃洲直將培塿齊天姥
春前野桃渾欲放雪盡黃精亦堪煮興來起挾李長庚
重載琵琶雙玉女

海翁謠

海翁隨白鷗白鷗亦不驚千金散如土身與白鷗輕問
翁甲子翁但笑人間豈識安期生祖龍一別阜鄉晚已
見六鼇脊腐三山傾天空潮落夜如水月色下照珠宮

明麻姑到家急汛埽桃核酌酒為勸王方平

壬子春二月既望桑君子材招余重遊爰山遂

燕陸景遠氏來青堂與者丁一鶴董祖南景

遠父子及余季子翱一觴一咏不啻蘭亭之

會也酒半移尊公主墓側而董海翁亦至子

材遂大醉臥石上不能起命兩童掖之登舟

余與眾客至東山興盡而返因賦以紀其事

附考宋孝宗公主乾道二年葬於爰山

老夫一月不見山山癖無醫殊未瘳野桃作花已爛熳

故人約我山中遊日車出海風雨收千巖萬壑清如秋

帝子何年上天去黃鳥歷歷鳴相求來青堂上坐終日

飲酒況得公榮流金刀割鮮氣頗壯白日下地仍相畱
酒酣長歌動左右詩成落筆蟠銀鈎平生快意在一適
放浪豈知公與侯玉臺王母自千劫海屋老人今幾籌
青春無價須秉燭明朝花落令人愁

題徐復初參政驄馬圖

青驄萬里來安西五花滿身玉削蹄將軍大雪騎出塞
風鬃未洗龍城泥何人落筆通造化天上房星降中夜
朱衣老奚驚有神不獨開元數曹霸漠南漠北千帳空
將軍賜爵論邊功此馬豈與凡馬同解鞍落日從遠放
黃金臺高春草豐

吳山人詩并序

西江吳山人者讀書綴文尤通地理書劉貴
道葬兄之無後者山人乃指范蕭峰地既固
且安遂葬之以十金報山人却不顧曰但得
天下名士一詩足矣因持卷求余賦貴道今
由起居注出僉浙江按察司

吳山人讀書不作章句儒西上玉笥觀匡廬尋龍經在
神莫闕金盃王杯何處無負土哀哀者劉氏兄死無兒
惟有弟山人為卜范蕭峰水抱山回土田美紫荆一榮
復一枯岡頭日落啼老鳥百金報吳笑不顧一詩價重
雙明珠君不見孫生瓜熟能供客客指黃花洞前域山
空白鶴今有村白鶴南飛杳無跡

胡虔雪獵圖為徐復初賦

太古天驕宅幽朔平沙四面無城郭生兒豈識種禾黍
走狗呼鷹共為樂北風颼颼大雪溼越塹凌岡馬蹄急
弓開滿月不虛發赤豹玄熊號且立日暮兩狼歸挂鞍
蕪支勸酒左右彈一時快意良不惡金刀割鮮行玉盤
君不見漢家天子獵四海塞下將軍歸奏凱青丘雲夢
何足誇猛虎長鯨肉俱醢

十月三日過梧桐涇時官籍濮彥仁宅妾龐氏

唐氏自經感而賦之

附考桐鄉縣志涇在邑東即濮川所通處昔有鳳棲其樹故名

天寒水清石齒齒杏葉初黃豆花紫舞榭歌臺不見人
頭白烏啼月明裏當時豪俠傾五侯一榮一枯八十秋

綠珠亦解死金谷草露作淚無時流

奉化李公復祖母沈氏年二十生子七月而寡

既長沈為娶兄之女為婦生二子亦寡長即

公達次公復二母今皆已老號雙節堂為賦

列朝詩誤作
張司丞羽

鳳策鸞膠難續弦雙龍鏡破難再圓阿婆二十已守節

新婦哭夫方少年大兒嬌啼母心苦小兒十月安知父

破窗風雨來早秋夜績燈前共相語山頭松柏摧為薪

山前翁仲亦成塵紅顏憔悴垂白髮生死不慙泉下人

郭忠恕出峽圖

巫峽何危哉夾拱如龍門禹治九州不得到此峽口水

作雷霆奔問汝江中人幾日三巴去峩嶂五月銷古雪
灑瀕堆深虎須怒巫峽之險安可攀胡爲吳檣楚柁日
日來往乎其間高堂中有如花顏銀屏翠箔青春閑涉
此萬里道經年猶未還黃金不買死直欲高南山汝舟
非龍汝非虎龜鼉出沒饒蛟舞前者已脫後者號江神
無情天又雨石巉巖兮利刃攢一葉宛轉行千盤覩此
魂魄悸豈待杜宇夜叫猿聲酸安得鑿之盡平土萬古
不識風波苦

送迓士霖歸天台

赤城雲氣神仙家千樹萬樹蟠桃花十二樓臺起花外
石門水長通胡麻當時劉郎亦草草出山却憶山中好

莫信丹丘日月長
玉人已共桃花老
山空水流雲自飛
劉郎看花須早歸

送車定夫赴萊蕪簿

空青丹砂世所奇
烏喙昌陽亦皆用
赤城車子玉峰孫
年過四十猶未貢
南宮昨日獻文詞
百族紛紛見孤鳳
一官初試萊蕪邑
古人今人差伯仲
釜中有魚晨不爨
案上無螢夜猶誦
尚思論道程朱後
玉峰先生最該綜
一編大學正全書
子復傳之四方共
平生河神壑百甕
豈望爲郎食官俸
迢迢北上不可遲
十月黃河雪先凍
老夫買酒無一錢
作詩直比琅玕送

徐給事山水歌

并序

給事中徐以文善山水嘗爲禮部員外張惟
中作層巒疊嶂圖惟中求予題詩於上予久
置篋中竟爲好事者持去乃賦長歌以復之
吳門故人徐給事一水一山稱絕藝濃毫燥墨隨意成
位置非難在神氣大山積鍊青巒岈小山伏起蛟龍蟠
水有百道噴薄之飛湍宛然坐我明星玉女下五月六
月松聲寒荆關筆法自奇古未數畫師楊契丹仙家樓
臺十二闌飲煑胡麻須可餐采藥何人入少室讀書有
客居王官我遊白下未得去五更出門雪滿鞍虛空翠
黛不復覽一日剪向高堂看員外張公尚文采身住南
宮志滄海李白已死今無詩卷示老夫增慷慨近來好

事復持去夢覺煙霞竟安在白鶴夜怨清猿悲山中春
老歸何時寫我平生有聲畫償君太古無聲詩

精衛憤 并序

定海漕戶夏文德元至大四年夏運粟赴京
師其子永慶侍行抵河間海津鎮文德隨水
永慶奮身入水中挽父衣出波面柁工提戟
鈎其衣得不死永慶浮沉洪濤力弗支而溺
時年二十一太史危素為傳余讀而悲之為

賦精衛憤

乍登太行莫涉滄海水天吳九首馬一角白浪崩山颶
風起精衛萬古長銜冤無人為汝箋天門孝子亦何辜

死挂扶桑根願銜西山石朝飛暮飛折兩翼西山石盡
海不極月黑珠宮闕魂魄鳧鳧不歸思何已乍登太行
莫涉滄海水

張繼善寄桃源圖

張生寄我桃源圖桃源有路歸何日高堂坐見武陵溪
犬吠雞鳴猶髣髴雲氣挾山山欲行山窮水闊桃花明
仙家只在流水外世上無人知姓名一日花間問漁者
山河百二如崩瓦赤帝西來祖龍死復見同槽有三馬
太康去秦六百秋子孫生長不知憂商顏黃綺亦何事
白髮出侍東宮遊龍爭虎戰俱寂寞絕境空存已非昨
種桃何必指秦人春到花開又花落

鳳凰臺懷古

附考在江寧府治西南二里杏花邨中宋元嘉時鳳皇集於此山築臺山椒以表瑞

鳳凰臺前山色古
鳳凰已去今平土
雕甍繡柱非昔時
月白連營宿貔虎
登高四顧何壯哉
金陵形勢自天開
酒星不見李太白
何人與傾三百杯
拒霜花紅秋草綠
尚想英雄起相逐
山河萬古一金甌
宮殿中天開玉燭
元嘉之事安足談
瑯琊法堯終可慙
葱葱佳氣今復見
黃旗紫蓋天東南
當鑪小姬字桃葉
笑我重來髮如雪
相逢莫惜千金裘
五夜吹簫醉明月

雲中烈婦行

并序

武州守雲中張奉先妻華氏年甫笄有古賢
婦風時舅沒姑老事之盡禮宗族稱之生子

亨亨娶鐺均祥女頗涉書史至正戊申秋閏
七月蕃將竹貞為亂寇掠雲中婦姑匿複壁
間為遊卒所得驅迫以前華氏厲聲謂卒曰
我張奉先妻也驅我安之必死於是復謂婦
曰汝年少將若何婦曰嘗聞忠臣烈女之事
已審寧就辱乎姑曰欲經無索欲刎無刃婦
曰賊可激而怒也遂大罵不絕卒怒殺華氏
鐺不為動聲氣益厲又殺之姑年四十有五
婦年二十有一余聞而壯之作烈婦行

出門何匆匆姑行婦乃從蕭條百里外但見旌旗紅東
家破柱索珠玉西家夫死無人哭鳳凰中道忽相失豺

虎滿城誰敢觸仰天天高踞地無泉白刃如雪馬屯塞
川乍可玉碎寧能瓦全旁人還共悲妾死猶生年雲中
之英雪峰萬仞同蘄然

題倪雲林木石

東海倪迂十年別昨日朱顏今白髮作詩作畫猶未休
酒後揮豪見三絕綠江白屋知幾家參天古木僵龍蛇
蒼皮半死或垂癭赤葉未脫都成花我知用心亦獨苦
衆史庸奴焉足數英華已剝餘本根老氣尚存冰雪古

毛女辭二解

山葉爲衣雙足赤何年入山不火食宮中歌舞猶能憶
猶能憶空徘徊白日晚阿房灰

鳳皇釵脫烏雲鞞紅藥花鮮還自把朝朝暮暮南山下
南山下千萬年不采藥能神仙

題山水四景

雨前雨後花滿川春光浩蕩殊可憐山人日高眠不起
勸酒提壺落紅裏

青林五月不知暑玉女曬衣中夜雨客至清談酒更添
白楊梅熟薦吳鹽

田家酒熟當早歸天氣漸涼催授衣一夜西風破霜蕊
芳菲不共芙蓉死

天雲漠漠四野低大山小山玉筍齊春還何處尋消息
花發枝南與枝北

洪武八年三月奉旨分教中都生自龍江至臨

淮凡十日為賦長謠以紀山川風景云

附考龍江驛在

江寧儀鳳門臨淮縣屬鳳陽

三月金陵別匆匆催夜發無處不傷春楊花半江雪海
水忽成潮奔流亦西迴行人渡江去何日金陵來可愛
焦山孤直對妙高臺天遣神鼇戴拳石青蓮一朵龍宮
開雨足南風生五兩楚柁吳檣競來往海門鴈陣入雲
飛甍社鬣帆迎月上信宿過淮陰不見淮陰祠將軍竟
為兒女詐空憶釣魚城下時行行泗州近岸有鐵佛古
水妃泉下伏猶疑作雷雨平生不出戶焉知天下奇前
瞻鳳陽城宮殿起參差兩都未足論天啓萬年基四方

七會同直馬真九達古酉能寬憂的酉日試詩遠遊頌

此會同車馬填九逵苦酒能寬憂酌酒日賦詩遠遊頗
快意白髮羞成絲悵望芳草綠祇合歸樵牧明年上疏
當乞身葛洪井西鏡湖曲

桃核杯歌

并序

鐵崖楊先生桃核杯歌序稱元初丘長生醉
臥三日不起世祖候之時方醒曰臣侍西王
母燕食臣桃一枚因出手中核裂為二杯一
以獻上一畱長春宮余竊怪之而江南野史
紀蜀道士王回嘗進桃核杯於其主云得之
陳希夷所或者假之為丘長生事乎而先生
未之考也道家虛誕亦不足論特愛其詩有

神珠脫胎日月破鬼斧鑿竅乾坤開之語可
謂巧於詠物者矣因賡一首而主於王回爲
言蓋以傳載有所據云

度朔之山有桃屈蟠千里兮結子輪囷大如甕天上惟
聞方朔偷人間不許劉郎種何年阿母燕雲臺食桃戲
作鴛鴦杯道士王回獻闕下缺月夜墮青天來玉杯未
辨新垣詐學士銀杯一時化安知別有蓬萊物百斛葡
萄向君瀉鸞歌鳳舞在君前酌此可以求神仙山中看
花試挾雙窈窕一醒一醉三千年

題華山圖

太華五千仞石色青如苔嶄然表四極肇自鴻蒙開河

流破石雷霆激父老空談巨靈跡山寒五月疑清秋鳥
飛不過仙掌側我欲上從羽客雲臺間鍊鎖高懸猶可
攀千葉池蓮食之久不死明星玉女相往還相往還人
間萬劫纔一息峰頭大笑驚下方日落咸陽秋草碧

贈乘槎客

六月淮南不知暑閉門日日風和雨乘槎仙客何處來
把酒張燈連夜語酒酣示我搢機石曾到天河見河鼓
人間倏忽三千秋弱水三枯海鰲腐吳爭越戰空陳迹
山繞錢唐作龍虎柳外樓臺十萬戶太平重自南朝數
吳娘玉面勝梨花解向尊前胡旋舞樂極哀來淚相續
城郭秋深半禾黍內前樹老啼寒鴉山月無情照今古

白首相看亦偶然忘形何必論賓主天爲酒星地酒仙
麒麟將相皆黃土約我他年一櫂歸西湖煙浪從漁父

李將軍歌

漢家李廣舊無雙年少提兵飛渡江黃石素書心已授
龍文赤鼎手能扛不作諸生自辛若干金結客輕如土
朝呼野外黃頭鶻夜殺山中雪毛虎天子詔書開四夸
五年出塞事征西三冬冰雪皴人肉萬里關山碎馬蹄
今日相看鳳陽道繡袍換酒情偏好虎符金印來未遲
錢硯毛錐吾已老豪俠平生感慨多尊前擊劍起高歌
定知班固文章在爲勒燕然示不磨

題董源寒林重汀圖

并序

余客雲間邵公筠谷所暇日觀畫西清菴而
董源寒林重汀為第一筠谷出入必寘之左
右未嘗舍去累求余題而未暇也後十年至
中都其子麟攜以過成均曰先人嘗言必得
先生奇文章與此圖爭蒼古可也敢重請焉
於是賦詩一首謹書於左惜筠谷既沒而不
及見之豈勝今昔之感哉

天下畫師無董源學者紛紛工水石雲山萬里出巴陵
白首淮南見真蹟亂石平坡淨無土松根裂石蟠龍虎
偃蓋千年飽雪霜深林六月藏風雨江上邨墟何處入
浮空遠黛蛾眉溼漁人日暮各已歸小舟如鳧落潮急

我昔西清嘗看画南唐此本千金價坐移絕境在雲間
月出霜猿啼後夜薄遊未挂吳淞帆令我一夕思江南
安得買田築室幽絕境開窗日日分晴嵐

題趙子昂松石修篁圖

白髮王孫老薊門逢人只說山中趣酒酣落筆有天機
寫作陰厓百年樹一株偃蹇龍蛇影繞屋風聲三伏冷
流脂入地成虎魄死骨經雷縮人癭森森竹石俱蒼然
一日坐我天姥前王孫跨鶴歸何年山空月明啼杜鵑

太行山謠送靳用中歸潞州

太行之山包燕跨晉兮拔地千仞誰能踰天何不鑿羊
腸九折坂使人萬古方駕而長驅山寒六月積冰雪窮

猿怪鳥左右時相呼故人玉女泉頭居北上豈不愁崎
嶇朔風吹沙不見塗青天茫茫飛鳥孤我歌短歌傾酒
壺勿言太行險人間之險何時無

次韻荅王蘊德紀善雨中見寄

老夫三月不出門懶性有如嵇叔夜聖明遇物先采擢
枯槁於時亦沾灑病駒只合中野棄寒雀寧思上林下
印常不啓信官閑書亦慵耽從客假淮南六月如早秋
未脫吳綾頗相訝白雨三更滄海立黃河一道青天瀉
池翻紅豔落蓮衣石長綠文成藻藉姑惡時鳴父老憂
鬼車夜過兒童怕空懷南巷人相遠豈有東家馬堪借
百錢沽酒愧餅空斗粟如珠抱衾賣已慙不作子虛賦

尚託端居廣文舍隱几南窗亦自高驅車九陌知誰暇
識字終非揚子博題詩誤許曹劉亞但覓丹砂苦未成
久知白髮那能化兩峰絕境可誅茅何處良田足甘蔗
赤城仙子玉符孫雙壁今傾鳳臺價楚筵設醴未應忘
齊門鼓瑟空遭罵時看新學氣如虹病送殘年肉銷胯
投効終當去石門日斜田父茅簷話

日苦短辭九章

日苦短夜何長蟋蟀悲鳴在北堂白露下河漢明叶黃
姑織女東西望撫雲和薦清觴同心胡為各一方麟有
趾鳳有章蒼姬感之國乃昌世之微佞為良鉛刀一割
拒干將悅巧辭隳大防蟾蜍食桂癰斃桑聖去魯軻遊

尖道元為卷長長青小士公卷暮次司辭英

梁道旣杳鑿徒俛俛昔少壯今老蒼朝榮暮歇同舜英
叶胡不歸阻異鄉孰假以翼令高翔

題海山秋曉便面

巫子門前吹颶風一杯瀛海白浮空周回已吞赤縣小
浩蕩直與天河通方壺員嶠不可見弱水便在三韓東
無人鞭石為梁跨萬里下拾明月龍王宮金雞三叫呼
客夢日車夜袞波濤紅樓居之人起相顧白玉窗戶光
瞳瞳我願羲和停六龍豈不能長懸照下土朝東暮西
使人成老翁至今纍纍野葬悲英雄六龍為我駐光彩
千古萬古遊無窮

孤松圖

峩眉古松寒不死曾見仙人三洗髓霜摧雨剝雷震餘
千尺老蛟鱗甲紫城南桃花千萬株亂後一株今亦無
長身獨立何偃蹇正直自是神明扶

遊冶亭

仙宮有山如虎蹲石古不洗泥沙痕山頭冶亭久寂寞
日夜雲煙相吐吞我來登山恐無路雨過新綠如雲屯
解衣亭上坐盤礴身同野鶴初離樊攢青疊翠起相向
插天喜有鍾山尊蟠龍之勢欲飛舞起伏高下何蜿蜿
大江西來赴碧海腥風五月吹江豚東南形勝此第一
擬問六代英雄魂珠簾羽帳俱已燔荒基草合鷓鴣喧
百年死樹剝鱗甲秋聲夜作波濤奔嗟峨更愛北山秀

霞氣燒射扶桑暎周顛何處草堂閉往往月落聞驚猿

霞氣曉射扶桑暎周顛何處草堂閉往往月落聞驚猿
山窮水盡見平野人家彷彿淮南邨莫愁艇子不復繫
桃葉渡口愁黃昏可憐今古竟何事區區王謝猶爭墩
向來海內俱腥臊聖主匹馬開中原黃旗紫蓋今始見
青春一氣回乾坤重遊京國非少壯耆老如星今幾存
金鞭走馬白下門胡姬坐調諸王孫一時光彩動左右
豈意零落悲蓬根方今幸樂太平日衰朽自荷皇天恩
平生英氣獨未盡賦詩尚敵曹劉垣長干買酒喚李白
江風山月須吾論

題淮南張叔厚九歌圖

紫宮太乙中煌煌佐以五帝環其旁道存無爲樂且康

豐隆儵忽周八荒鬼塞大燾蛟螭黃上台司命中文昌
斟酌元氣調陰陽福我以德淫必殃下招帝子隔瀟湘
蒼梧九點山蒼蒼跼烏三足升扶桑天門洞開夜已明
神人瞳目鬚髯張長弓白羽射天狼水仙胡為宅龍堂
九河既阻不可方鼉鼉出沒波湯湯山中之人白日藏
天陰雨溼啼幽篁兜鍪戰士身盡創魂魄欲歸道路長
吹簫擊鼓歌巫陽酌以桂酒陳椒漿神來不來何渺茫

清江貝先生詩集卷五

清江貝先生詩集卷六

五言律詩

臨平道中二首

附考屬
仁和縣

落日臨平路連山盡向南水聲黃鶴寺雲氣白龍潭
亂今誰在幽竒昔屢探湖邊樓閣廢高柳與天參
西施採蓮處所歷已皆非雁度輕陰去人衝暝色歸
甲兵隨地滿煙火隔林微賴有杯中物愁來爲爾揮

夜坐

黃昏畏虎出須使戶常關鳥雀林間噪漁樵海上還
雲深驃騎廟月照鳳皇山喪亂吾何適飄飄獨厚顏

壬寅夏五月廿四日對雨

出門仍苦雨豈復辨朝暝白日不照地青山都入雲江
鷗元自濕杜宇豈堪聞喜有張公子相過共校文

題映雪齋

門前雪一尺苦士未能眠永夜生虛白窮年守太玄寒
通窻外月夢落洞中天太乙如相過青藜不用然

魏塘夜泊

附考嘉善縣古魏塘鎮又名武塘

風帆如健馬一日過嘉興水鳥時相喚秋蚊尚可憎照
人明月近接地白河澄耿耿渾無寐中宵對玉繩

過竹岡

附考在松江府東七十里南濱海北抵淞江

迢遞竹岡路邨墟煙火遲地從滄海盡天入大荒垂網
集知潮落舟行覺岸馳平生貪勝槩隨處一題詩

橫港

南行入橫港茅屋帶林丘落日猶斜照寒潮忽倒流牛
羊平野散鵝鴨小溪浮喜見平生友籬邊一繫舟

靈鷲十景

附考晉咸和元年西僧慧理登而歎曰此乃中天竺靈鷲山之小
嶺不知何以飛來因樹錫結菴名曰靈隱命其峰曰飛來

蓮花峰

下天竺寺西峰頂有孤石可四
十圍頂上四開如千葉蓮花

亂雲交瀼霽孤石竦岩堯地識金仙隱巖看玉女朝香
爐分秀色太華竝高標恐有峨眉雪千秋尚未銷

龍泓洞

在天竺山靈鷲院理公巖之北吳赤烏二年葛仙翁於此得道
有石洞世傳徹浙江下通蕭山有采石乳者入洞聞波浪聲舊

有人就洞南邊
鑿羅漢十六尊

遠通羅刹國近接梵王臺海客然犀入山人采乳回林
間無日月地底有風雷聞道蜿蜒去寒潮自往來

葛洪井

下天竺寺晉時葛洪嘗煉丹於此今名煉丹井

洗藥源頭路通人有石門水涵青壁靜雲與紫崖奔鼓翼朝飛鳥連肱夜飲猿仙翁今不見濯足弄潺湲

合澗橋

飛來峰下

橫水東西落幽人日夜過宛宛龍赴壑隱隱鵲填河緬想赤城路潛通滄海波遠公不送客芳草澗邊多

連巖棧

天竺山後

危棧梯空上人行杳靄中險應踰鳥道幽已出龍宮日月三天近風雲一逕通何時倚飛翠極目送孤鴻

飯猿臺

在呼猿洞

猿父識猿性身與羣猿居應同支遁馬豈賦狙公狙共

息貝多樹時分香積廚黑衣今不至長嘯意何如

息貝多樹時分香積廚黑衣今不至長嘯意何如

夢謝亭

在下天竺寺案謝靈運會稽人世不宜子息乃於錢塘杜明師寄養師是夜夢有賢人相訪及曉乃靈運至因以名亭

相傳謝康樂曾寄杜明師此客今為土何人更解詩山空黃葉墜歲久綠苔滋日暮高亭坐悠然動我思

理公巖

在天竺山靈鷲馬峰之左飛來峰之陰慧理冥息於此故名

山僧住上方高處更蒼蒼不雨雲煙濕長春草木香削成看小朶幽絕擬空桑謾識跣趺處白猿今已亡

題名塔

飛來峰頂即神尼舍利塔

雁塔高千尺東南遠建標江山留過客日月記前朝鐸受天風震梯經劫火燒四賢誰復繼千古意寥寥

呼猿洞

宋僧智一善嘯有哀松之韻嘗養猿於山間臨澗長嘯眾猿畢集人謂之猿公

清江言集卷六
白猿呼不至洞口白雲重澗落經霜果崖留挂月松相
傳來萬里獨嘯應千峰碧玉環猶在何人識舊蹤

蘇軾
卜宅鄰揚子登樓擬仲宣客星猶海上人日且尊前谷

鳥晴偏樂林花暖欲然浩歌醒復醉何用惜中年

送王宗成歸越二首

回首蓬萊閣東西兩眺高參天秦望樹動地浙江潮事
往登臨倦時危戰伐勞應無舊鄰里夏雨盡蓬蒿
慘澹風塵際崎嶇道路中榮知金馬隔老信木雞同擬
逐桃源客相尋綺里翁不須登廣固撫跡歎英雄

冬夜三首

月斜窗戶白不寢夜何長避亂多空室偷生且異方安
巢無燕雀競肉有豺狼脉脉如葵藿傾心待太陽
歲月悲遊子風塵老腐儒兵交連北冀客隱向東吳草
白秦皇道天清陸瑁湖昔時遊樂處撫事一長吁
水濶三江地山空十月時寒花禁露變獨樹受風欹老
大將何事漂淪幸托茲不忘憂國意展轉復成詩

亭林漫興四首

附考亭林鎮屬華亭顧
野王故居亦名顧亭林

野王讀書處一曲瑣風煙客記蕭梁日僧談石晉年黃
金曾布地滄海復成田遺構丹青落回頭一惘然
繞屋盡流水通人無石橋地偏冬不雪江濶夜還潮但
喜逢迎簡寧辭跋涉遙叢篁與古木風雪更蕭蕭

清江言集卷六
四
每過高僧話應寬過客情詩成天藻麗酒瀉雪香清文
度推英俊元方辱弟兄何知漂泊際懷抱一時傾
又出亭林道樓臺尚自疑無邊春草色不定野雲姿未
就龐公隱空懷惠遠期飄飄何所適重擬結茅茨

守歲

守歲西清第幽懷且自寬極慚公子意須盡老夫歡明
日王春始踈星子夜闌殷勤一杯酒到手莫辭乾

寓翠巖菴四首

已荒丹井宅近息翠巖祠老去時聽法春來且賦詩花
香蜂出戶樹密鳥爭枝絕境風煙外漁人不用疑
彷彿東柯谷雲間雞犬聲梳頭忘日晏濯足愛江清草

涇頁頰帚茅堂古未營
舊壺斬父老亦足慰吾情

徑須頻掃茅堂苦未營攜壺慚父老亦足慰吾情
蓮社僧相引柴門客屢回日高人語靜風遠佛香來碧
愛琅玕繞紅看躑躅開便應從此老城郭有塵埃
蟪蛄當戶罨科斗滿池生可惜春光去何時晚計成病
多添越思愁減發秦聲此意無人會芳樽且獨傾

三月晦日

野樹殘花落風荷小葉開夜遊須秉燭春在更持杯屢
閱雲霞變空驚日月催江山莫淹滯準擬賦歸來

歸石門

不待秋風起匆匆歸石門宦遊情已薄婚嫁願猶存竹
所須開徑花時獨灌園比隣共來往適意倒芳樽

晚眺

極目三邊靜傷心萬室空
斷山明落日飛藿卷回風
漢節無歸使夸歌有野童
煙塵幾時息歸釣古城東

過王景修

不識滄洲路還經白石磯
林深煙似織江黑雨初飛
野店多先閉漁舟獨未歸
幽人宅已近薄暮扣柴扉

答郭宗夏

思君不得見起坐若爲情
喪亂長南北交遊半死生
家書春未達埃火夜偏驚
何日聯床語西牕聽雨聲

題盛子昭畫

石轉交流水山浮欲動雲
名園鄭谷迥絕境輞川分
老

樹龍初化仙人鶴不羣已臨吳道子不數李將軍

觀水

布穀邛邛急三時農務勤青山十日雨白水一溪雲即
恐崩沙坼遙知小圃分朝來看激灩鳧雁動成羣

秋涇雨後二首

地蟠吳會盡天與海門通雨洗秦山碧霜侵越樹紅居
人分絕島飛鳥度寒空極目情何限翻如入剡中
石潤冬猶熱江渾晚乍晴樓臺消蜃氣鼓吹入蛙聲且
伴雙鷗逸何須駟馬榮交遊今總絕酌酒任吾生

甲辰元旦

五十今朝過談經滯海濱天陰不見日地冷未知春染

清江言集卷六
翰題新語開襟待故人宮花遍朝士那上小烏巾

二月十三日初度

知非吾已晚白首尚他鄉不入廣文館寧要太守章寬
憂應有物却老信無方謾憶兒童歲斑衣父母傍

寒食

不知春已過一月雨聲中蒲短初侵水花殘更受風病
疑耽酒過窮覺向詩工失喜聞鶯語飛來草屋東
出門皆白水風雨復通宵忽似三川漲惟憂萬室漂娟
娟輕鳥下潑潑大魚跳歎息佳人阻空瞻烏鵲橋
爲客雲間久深懷父老情江山元壯麗城郭又清明傳
燭初分火吹簫競賣錫重攜一樽酒花下試同傾

五月十六夜獨坐

五月十六夜獨坐

大野喧豺虎深林集羽毛
天空雲氣盡夜久月輪高
士卒悲秦戍兒童唱董逃
此時空感慨漂泊歎吾曹

登雲間驛樓次李希顏韻

萬國干戈裏荒郊野日曛
殘唐終五季炎漢亦三分
戰伐求頗牧謳歌憶舜文
傷時一惆悵倚柱送孤雲

青林道中

附考青林今名青邨在華亭十五保

葭菼連雲暗菱荷逐水漂
青林千曲轉黃浦一支遙
賈客晨衝霧舟人夜聽潮
何時免行役黃髮老漁樵

夜泊

四更風露靜欹枕獨無眠
野濶天斜倚江清月倒懸
誰

家橫塞笛有客盪歸船可惜雲深處淒涼不及前

重過亭林

欲訪曾遊地樓臺半有無夕陽明鳥背秋水落龍鬚為
客今成老逢人亦暫娛夜歸衝暝色重問顧亭湖

戊申九日宴邵武叔雙桂軒

晚香迎九日秋色勝三春驚座非無客傾城況有人且
聽歌白苧莫惜岸烏巾更覺清狂甚不知誰主賓

懷語溪舊業

不到溪南宅桃花又一春長貧疑造化已老厭風塵直
道難容世虛名只候人扁舟即歸去吾豈戀秋蓴

十一月九日夜飲南山所用筭谷韻

水國晉隣靜風林卷翼回夜深雲掩月春遠雪封梅翦

水國潛鱗靜風林倦翼回夜深雲掩月春遠雪封梅翦
燭清談久藏鈎急令催山僧更多意莫惜盡餘杯

挽溪南處士二首

天地消兵氣江湖隕客星羣英同日起一葉向秋零伏
勝終秦士揚雄老漢庭尚思風雨夜縱酒共忘形
不廢專門學猶存蓋世功時危明出處道在任窮通節
士無元振諸郎有阿戎九山雲氣冷何處葬仙翁

寒夜

月落江天黑長風正怒號靈雞寒失次別雁暝呼曹擊
柝征人起鳴機織婦勞所思千里隔十二碧峰高

已酉元旦二首

不改山河舊同瞻日月新百虫未起蟄一鳥已鳴春白
髮羞明鏡烏紗製小巾吾生任貧賤擊壤學堯民
歲旦屠蘇酒還從稚子先宮花元不稱野服更相便出
處寧非道窮通莫問天紅梅亦多意為我發餘妍

次韻邵箕谷干山夜泊

附考干山在松江平原村機山之東

一水疑無路纔通艤子舟連山分秀色絕境散窮愁行
與月相逐臥看天倒流野人應不識林鳥自相求

暮春雜詩四首

世亂疲奔走空傷萬事非塞鴻還北度戎馬未南歸樂
土居人散豐年野客飢閉門風雨過一徑落紅稀
不見春歸路倦登江上樓五更愁聽雨三月慘如秋寂

寂然含笑嬰嬰黃粟畱無心自相惱豈識老夫憂

寂然含笑嚶嚶黃粟畱無心自相惱豈識老夫憂
四海尚風飈千門轉寂寥傳聞收土地思見復征徭節
士心肝在將軍髀肉消何時聽野老鼓腹頌唐堯
汎汎江湖上悠悠宇宙中一身常有患萬化本無窮已
覺丹砂妄惟應白髮公滄浪還可濯閑伴釣魚翁

寄翰古清二首

一葦三江渡人皆識道林龍公來聽法狐女試觀心雨
散空花亂風生萬竹深我慚牽世務白髮謾盈簪
爲客長如醉聽詩忽已醒共飡香積飯更捨劫初鈴埽
榻還堪臥呼舟約再經墨龍休易點破壁起雷霆

遇伎

曾是梨園籍年應未破瓜春風一枝雪別是漢宮花出
繭修眉淡蟠龍小髻斜琵琶寓幽怨流落共天涯

舊宅

甲第無人住蕭蕭風雨寒樹陰交繡戶苔色上朱欄舞
鶴猶思主鳴蛙亦爲官豪華易消歇都在夢中看

寺居

堪憐小兒女相對色淒涼有客哀元亮無人候子桑水
螢飛寶地山鳥入書堂九曲溪頭路何時上小航

溪上

歇馬城邊路茅茨在眼中迢迢一水靜寂寂四山空白
日西南沒青天上下通行人俱已息獨立數飛鴻

楊鳴鶴枉顧留宿及山有詩相示用韻答之
轉蓬悲杜甫命駕愧張翰把酒忘年老聽詩坐夜闌不
趨龍尾道休上虎須灘白屋真堪樂青山且共看

題山陰讀書處

蘭亭修禊處愛爾好林泉閉戶不曾出讀書渾少眠青
山秋氣早綠樹午陰圓何日期相過西陵一放船

辛亥春二月十日偕桑子材丁一鶴遊及山

野曠天無際山青雨乍晴路從鰲背上人踏鳳毛行謾
謾松風細輝輝竹日明浩歌猶未已新曲和流鶯

澄林客居二首寄戴良佐沈復東

借屋暫移家當門亦艤棹地蒸雲觸石江漲雨崩沙盧

橘初垂顆冬青未落花老夫無一事日日醉流霞
高人戴安道詞客沈休文共喜成三友何勞比五君園
荒葵自種水近竹宜分鐘鼎非吾事山中看白雲

題紫微山巖上人壁

附考紫微山即
硤石山屬海寧

雞聲催客起一枕夢初醒日射千山赤天垂四野青
芙蓉元自好蒲柳已先零海上兵戈後夸歌不忍聽

排悶

白首尚爲客飄飄天一涯耳鳴通夜雨眼暗隔年花
畏酒從今斷題詩浪自誇有邨如栗里準擬更移家

雨中漫成寄九龍山人

稚圭蛙兩部日夜成笙歌四月雨聲惡兩山秋氣多
青

苔生客舍白水落官河長望九龍客扁舟難重過

稚圭蛙兩部日夜成笙歌四月雨聲惡兩山秋氣多青

苔生客舍白水落官河悵望九龍客扁舟難重過

次韻楊德中見寄

五月大江滿白波如白雲看山重約客載酒試從君竹
所宜頻掃桃源或未聞龍蛇今已遠麋鹿任為羣

次韻楊鳴鶴遊紫微山用章孝標韻

金刹藤蘿外通人一徑微天風鍊鳳語海雨墨龍飛水
落仙翁井雲收玉女衣東樓曾翫月夜挾彩鸞歸

贈醫者徐仲純

我愛南州士風流今尚存讀書通魯史賣藥向吳門擬
乞丹砂裹同傾綠酒樽茯苓應已長夜雨剷松根

壬子冬至日過來青堂三首示勉中祖南二友

浪跡依劉表忘形見陸生山中釀酒熟雪後具舟迎好
學來諸子論詩過二更窮愁一披寫杯盡更須傾
衣冠且從俗猶有晉風流我愛陶貞白人稱馬少游蜂
房寒未割雞柵暖宜修不必論三仕何如號四休
擾擾知何事人間即夢間試從千佛轉能見幾人間水
落元通月雲行不礙山長歌和樵者日暮抱薪還

送陳楚賓赴泗州學正

舟行入淮泗初上廣文官地接中州近天連大野寬清
時先祖豆異俗盡衣冠暫別蓬萊闕無慚首蒼盤

題蘇明遠畫

絕境疑無路平川不起濤天光兼水濶山勢敵秋高葛

今桂交燕燕人目重兆雲霞如有意他日待吾曹

令惟求藥秦人自種桃雲霞如有意他日待吾曹

病中次韻張思廣助教見寄二首

爲客金陵久驚秋素髮乾酒狂山簡放詩苦孟郊寒野
圃荒誰理宮衣病總寬封書寄兒子早晚發長干
有淚如銀燭心灰却始乾空瞻鴻雁遠不念鵲鴿寒江
海浮吳濶乾坤入楚寬登樓重擬賦落日在闌干

雲臥

謝傅東山下白雲窗戶幽身如蟬蛻解夢挾風車遊石
潤初收雨衣寒已怯秋無心信舒卷天地日悠悠

次韻管鄭州玄澤

相逢俱一笑官不補遺餘鸞鳳隨新曲龍蛇見草書日

邊來使者濠上只空廬更展胸中學平明對玉除

題葉經歷水北山居

地接天台勝山圍雁蕩高詩人同謝眺羽客見盧敖樹
色分厓翠江聲應海濤何年此棲托蓮葉好時操

送曹季材赴京師因寄劉子憲助教二首

跨馬金陵去征衫尚有塵壯心知烈士離色慘羈人草
白方經曉花殷欲借春殷勤一杯酒何日重相親
最愛劉公幹同爲太學師班聯金馬客興在玉臺詩地
濶雙魚斷天空一雁馳惟看千里月夜夜獨相思

詠炭

三日淮南雪烏薪價重銀色疑成鶉鴿形肖刻麒麟夜

三日淮南雪
魚薪價重
銚色疑成
索合開
官或鹿鹿不

照清虛室春溫老病身
煮茶留好客未覺孟郊貧

題馬文璧畫二首

龍江今喜對雁蕩
昔曾聞樹黑深藏
雨山青半出雲行
人知虎跡仙客問
羊羣老我來何日
林泉定許分
小橋危跨壑破屋
幸依山避地人相
過朝天客未還麕
眠春草外猿挂古
松間寂寞南窗月
殘書亦久閒

題王白雲畫

瑤臺人去後麋鹿
自成羣樹濕纔經
雨山昏又出雲仙
家三疊外春水一
支分獨坐扁舟客
櫂歌時遠聞

戊午早秋漫興二首

久作東山客山空
少四隣汲泉從老
圃隔嶺見行人虎

豹應須遠雞豚亦自馴幽棲猶未穩更訪武陵春
爛熳薜花早亂開籬落間秋風機杼動夜雨桔槔閒牧
豕公孫老思鱸記室還有時逢野叟猶是說朝班

送吳鼎文同知赴安州

別駕安州去青天蜀道危近辭丹鳳闕遠過碧雞祠暮
雨歸神女春風怨子規宦遊多好思重和杜陵詩

清江貝先生詩集卷六

清江貝先生詩集卷七

七言律詩

送襲封衍聖公孔希學還闕里

在京作

星斗光芒萬丈騰，賜書連舸出金陵。
雁違青塚天將雪，馬度黃河夜已冰。
博士經存終漢出，上公爵重自唐升。
喜聞手植庭中檜，翠接東蒙幾百層。

送愚上人歸越中并簡奎方舟長老

在京作

天界歸來亦已遲，庭松此日定回枝。
山中結社無靈運，海上留衣有退之。
鶴去雲霄隨錫杖，龍收風雨入軍持。
西湖若見方舟老，爲說三生夢裏詩。

觀海與鮑仲孚同賦

弱水之外有蓬萊雲中髣髴金銀臺終驅汎濫羣流合
始與鴻濛一氣開石壁三更看日上星槎八月到天回
麻姑何處窺清淺近日無書寄鶴來

送王克讓員外赴陝西

貂裘萬里獨衝寒舊是含香漢署官白雪作花人面落
青山如鳳馬頭看關中相國資王猛海內蒼生望謝安
應念東南有遺佚采芝深谷尚盤桓

送戶部尚書貢泰甫開司閩中權鹽易米給京

師二首

昨日除書下五門地兼中外亦殊恩三山迥出南荒小
八座元同北斗尊悟主已知如內相封侯終見自公孫

荆揚樂土今凋瘵他日從容爲一言
兩隅未靜出師頻聖主經營仗老臣
天河轉粟遙通薊臘月看花近到閩
道上豺狼應避馬山中猿鳥不驚人
公餘定有詩千首好托邊鴻寄早春

題徐太章白鶴山居

孤煙一曲紫雲邨好客尋常遠到門
水落已知魚可笱夜深不畏虎夔藩
隣人送酒酌花下稚子讀書當樹根
白鶴千年時過此山中還有令威孫

三月晦日

王師未下姑蘇臺客子野次獨徘徊
城南酒徒不復見院裏桃花空亂開
兒女新年俱已長弟兄何日却同回

清江詩集卷七
故人千里寄書至相約山中拂紫苔

寄內弟陸熙之

我別禦兒溪上宅月當二十四迴新如何故國尚戎馬
即恐比隣非昔人簫鼓誰家猶作社樓臺廢苑不成春
夜寒憶爾無由見悵望黃姑析木津

寄潘時雍

潘岳閒居學灌園一椽茅屋近青門野鳥得食頻將子
慈竹團陰定長孫賓客過門車蓋合兒童汲井輓轡喧
春風金谷空流水且共高歌醉瓦盆

送翁鎮方歸天台

雲氣空濛是赤城高歌歸去不勝情天傾滄海東南迥

也妾丹丘日夜月念我子乎黃蜀寄知君先向石橋行

雲采空濛是赤坂高哥歸去不勝情天傾滄海東南迤
地接丹丘日夜明念我好將黃獨寄知君先向石橋行
春風一路啼鶯巧定有花間窈窕迎

題雲溪耕隱

屋外青山青似蓮雲溪隱者即神仙桑麻杜曲非無地
雞犬桃源別有天載酒鄰翁時叩戶賣魚溪女不論錢
臥龍何事煩三顧祇合隆中老歲年

題丁成之清樾軒

九龍山前處士宅草堂低小盡青苔樹陰滿地日不到
水氣著人秋已回無數黃鸝相對語有時翠碧忽飛來
移床與客竹間坐千里好風真快哉

鄭憲卿省郎織毯松江還詩以送之

鶴城翠織出天機卷付星查使者歸瑞草奇花春欲動
彩鸞青雀晝交飛峒人不用誇山剡朝士何須惜地衣
聞說千秋佳節近吳宮高會更光輝

雲間見李克敏將歸吳陵作詩為別

與子西東二十霜尚思年少醉錢唐人間日月如行客
馬首山川忽異方歷歷早鶯初變語翩翩歸雁未成行
明朝陌上重分袂更盡吳姬酒一觴

賦小瀛洲二首

海上瀛洲碧水新地連方丈絕風塵九光霞館邀王母
一曲鸞笙降玉晨若木迴枝長挂日桃花結子不知春
祖龍謾自求方士却恐流傳語未真

仙人長住白銀宮不似淮王禮八公日月自周三島外
山川盡縮一壺中赤麟紫鳳池臺勝姹女河車服食同
清夜步虛相和處琪花如雪又春風

題苧溪漁友宅

徵君白苧溪頭住細雨斜風一短簑山木兩邊啼杜宇
浪花千頃落鴛鴦故人且復辭光武使者何須認志和
我亦買田來結屋沙棠船小日相過

十月聞雷

天氣初寒春尚賒坎中夜半有鳴蛙百年宇宙喧戎馬
十月雷霆起蟄蛇老柳黃垂霜後樹小桃紅破雨中花
三公燮理非無術愁聽空江度鬼車

靈鷲觀燈

天樂風傳應壑雷鷲峰春色似蓬萊一天象緯迎秋轉
千月龍宮徹夜開西國胡僧依樹坐上方玉女散花來
夜深借榻山房宿更欲題詩到上臺

謝賈齊臣惠碧盃

萬里堅昆來碧盃青蓮十葉類天成于闐蒼玉本同色
韶州白甕空得名馬湏可能羞北饌駝蹄且復薦南烹
茅齋此日足家具一詩爲報故人情

題靜天鏡碧水春軒

綠波如水不成潮一曲潛通海眼遙祇樹園深青鳥下
桃花浪暖白魚跳疎星夜列開天鏡細雨朝飛落虹橋

杜老賦詩須重過遠公結社肯相邀

送興福寺長老鎮靜菴

西山樓閣涌波濤西國高僧見白毫貝葉有文留藏室
天花無跡上方袍毒龍在鉢秋雲濕馴虎當門夜月高
聽法他年陪相國定因元亮置松醪

六月三日泛舟

六月三日好天氣清江轉柁雨晴初樹頭雲斂出紅日
石脚水生跳白魚何處老翁還獨釣可憐遊子未安居
野王堆前三女竇得意唱歌隨所如

七夕

滄江雨歇暑漸微銀床一葉迎秋飛牽牛相對織女出

明月不照征夫歸寸心耿耿只自苦雙鬢蕭蕭今更稀
仰候神光向中夜秋螢暗度鴛鴦機

十一月廿三日夜集次韻盧廷舉

河橋春向柳條歸買酒從教更典衣倒海北風三日盛
著人南雪六花飛銅盤燒蠟詩初就羯鼓催觴令不違
身後空名亦何用獨憐張翰早知幾

翦韭軒

三韭行廚亦浪誇旁人猶笑庾郎奢春宵翠截山中葉
臘月黃分雪後芽野飯猶能留上客侯鯖豈復到貧家
盤中一筋青絲細絕勝蕪菁散作花

題王士亨看山處

看山何處候神仙地近城南尺五天
林屋雪消攢玉筍上方雲斷出青蓮
行人獨去西風裏倦鳥雙迴落照邊
此日騎曹誰記馬閒支手板思悠然

元夕次韻鐵崖楊先生

元戎出號初鳴鐸狂客忘歸更賦詩
貔虎千屯防要地魚龍百戲夢清時
月臨粉堞南樓靜天接滄江北斗垂
可得夜遊重秉燭佳人雙唱玉交枝

二月十六日雨中遣興

城頭落日啼乳雅城中煙火冷千家
斷雲漠漠夜還合急雨紛紛風更斜
世亂不歸空灑淚春深何處獨看花
白龍堆前水二尺明日泛舟攜紫霞

清明日陪楊鐵崖飲城東門是日風雨

盪舟撾鼓出東門怪雨盲風野色昏
海上春猶作客樓頭三日共開樽
青山石馬新人塚錦樹黃鸝舊相園
快意百年須痛飲轉頭何處不銷魂

送凌彥冲歸杭

正好聽君蘇武慢傾壺共坐白鷗沙
十年戎馬猶塞路三月歸舟催到家
江燕與人同是客野桃成子亂飛花
使回多寄平安字要看張顛醉墨斜

寄林叔大

湖州別駕三年別文采風流想見之
水晶宮裏無傳箭浮玉山前多賦詩
海燕空歸尋舊宅吳蠶未老賣新絲

金閨學士臨池處還與何人話昔時

槐陰亭

雲團車蓋起童童文正三朝相業隆種樹百年蟠厚地
讀書六月坐清風蟬吟露葉初回夢蟲吐秋絲忽隕空
今日洛陽卿相宅牡丹誰看狀元紅

即事

少海旌旗落照中沙陀兵馬雁門雄朝宗久廢諸侯禮
翊戴方尊節度功今日豈宜求騎劫當年應失倚全忠
丹書鐵券存終始萬古山河帶礪同

經故內

山中玉殿盡蒼苔天子蒙塵豈復迴地脉不從滄海斷

潮聲猶上浙江來百年禁樹知誰惜三月宮花尚自開
此日登臨解題賦白頭庾信不勝哀

立夏日

江寒雨急仍北風扣戶喜聞南巷翁錦城鮓送蒲茅白
玉盃酒瀉桃花紅三月忽驚春似客百年那復老還童
一雙黃鸝寂無語飛過小月高樓東

題雲深處

朝看雲出暮雲歸翁住雲深已息機海上仙人教種藥
山中玉女未收衣須知倏忽神龍變已作網緼野馬飛
我亦無心共來往五城宮闕夢魂稀

題夏士文園亭

窻古青
工竹裏
開竹深
無也
著塵矣
山多
闕
危
千
峯
出

窻戶青紅竹裏開
竹深無地著塵埃
山移閬苑千峰出
水接銀河一道迴
釀酒每留賓客醉
賦詩重許老夫來
暖風遲日春如海
隨意何妨坐綠苔

重午

北里共持菖歎酒
南翁未解木棉裘
白波青嶂三吳地
怪雨盲風五月秋
揮淚幾時朝鳳闕
招魂何處覓龍舟
海榴一點紅如火
時序催人共白頭

瑞蓮二首

雙花相向復相輝
白帝西遊擁一妃
羽蓋風清朝竝載
珠宮月冷夜同歸
翠房已作鴛鴦結
紅粉那成蛺蝶飛
亭上酒醒香不斷
滿汀暮雨濕仙衣

秋水嘉蓮瑞一門初花驚見出同根弄珠漢女無留跡
鼓瑟湘靈有返魂相府昔年曾製曲仙家今日重開樽
合歡何限風流意怨綠愁紅謾自繁

題淵明像

素琴無絃不復鼓清樽有酒還相持老奴遷鼎亦苦早
先生拂衣應已遲子房結客報秦日武侯出師匡漢時
古人今人本同調坐對南山惟賦詩

題松鶴山居圖

仙客盧敖東海頭好山百轉接丹丘開田種玉一千頃
閉戶讀書三十秋雲氣上天如白鶴茯苓入地化青牛
年來浪跡吳淞道夢裏猿聲憶舊遊

寄奎方舟俊用章二上人

奎公不種遠公蓮
卓錫西湖已十年
路入雪山靈草合
泉通滄海毒龍眠
聽法每期雙樹下
題詩須到四花前
干戈滿地傷飄泊
目斷千峰紫翠煙

白蓮

太液初花宿露團
香濃粉淡不勝寒
金莖側瀉仙人掌
玉葉危擎帝子冠
水濶天空愁欲隨
風清月落好誰看
西湖腸斷西施采
一曲菱歌唱未闌

中秋

中秋甲子無風雨
吹笛星橋意最關
七寶已修天上月
三神不隔海中山
故人此夜知何處
狂客經年且未還

小隊羽衣新按笛廣寒宮闕夢魂間

錢塘秋夕

殘蠟無光小院幽梧桐一樹更蕭颼西陵風雨來清夜
南國山河入素秋雞唱四隣呼客夢雁回千里帶邊愁
可憐季子貂裘敝遲暮何為賦遠遊

奉寄崔伯恭左丞

武林城下捷書回郡縣遙知次第開一柱危擎南極正
三江遠阻北人來謳歌復見唐虞德匡濟深期管葛才
東閣幾時陪笑語雲間夜夜仰中台

無題二首

樓臺十二近藍橋簾幙重遮半面嬌洛浦有神通子建

天童無意會文蕭山衣雪交戔戔翼寶善雲松雷鳳翹

天壇無意會文簫仙衣雪皎栽蟬翼寶髻雲鬆插鳳翹
月落江寒春夢斷相思空寄海門潮
錦瑟鸞笙恨總牽尚思華屋對嬋娟春風豆蔻初含日
玉女蘭香未嫁年綃拆鴛鴦裁寶扇酒行琥珀瀉銀船
蓬萊一別三清淺憔悴應知不及前

夜坐

夜寒蟋蟀語秋根獨客無眠憶故園天作穹廬籠四野
月飛明鏡照千門胡笳相應時時發戎馬初生處處屯
秉燭封書寄兄弟一身猶滯海西邨

立春日燕西清高士滄洲一曲歌者李氏善胡
琴者阮仲明引觴奏伎賓主盡歡即席賦詩

百花堂深香霧生將軍燕客更多情春光已到簷簷谷
客夢如在芙蓉城蛾眉八字遠山碧鳳尾雙絲流水清
金樽美酒敵秋露今日為君懷抱傾

別呂德常

黃鶴仙人道德尊少年曾記及龍門玉山照座聯兄弟
白髮升堂識子孫衰謝已知英氣盡激昂猶喜賞音存
不堪杜宇催歸客明日扁舟出海邨

姑蘇

城潰姑蘇伯業終蕭蕭茂苑自秋風青絲白馬來江表
紫蓋黃旗入洛中宮殿獨留殘月照綺羅應逐曉雲空
如何十萬貔貅士不及吳陵一旅雄

陸景周宅槁梧復榮以瑞梧命之為賦

石上孤生百尺標
鳳皇枝老尚蕭蕭
半身秋委龍蛇蛻
一氣春回霹靂焦
影薄未能遮月色
聲和猶待按雲韶
山童日夜勤封植
莫使青青露葉凋

錢唐春日

三月皇州望欲迷
湧金門外草初齊
滿山雲氣不見日
一兩天街都作泥
溫室樹高鸚鵡去
玉津花落杜鵑啼
斷橋何日重攜酒
醉和兒童唱大堤

遣興

我住雲間今四秋
恰如杜甫在秦州
賦詩黃耳塚前去
打鼓白龍潭上遊
暮景飛騰如過翼
此身浩蕩一虛舟

黃塵九陌繞車蓋且伴老翁隨海鷗

二月五日燕夏士文漪瀾堂與者魯道原馬文

騁馮困如歌者張寶童不至故及之

漪瀾堂上又東風報荅春光酒未空海鳥一雙鷗尾白
山花千朶鶴頭紅水邊列坐皆詞客天上清歌少玉童
不省日斜誰倒載從教拍手笑山公

浙江亭觀潮

山摧岸坼晝冥冥動地西風帶蜃腥滄海倒流吞日月
青天中裂走雷霆欲招白馬今無跡莫信神魚尚有靈
一氣虛空自升降乾坤與我亦浮萍

嘉禾道中

嘉禾道中
秀州城下雪漫漫一客東歸更覺難
雁度空江寒月黑馬嘶長路曉風酸
吳趨欲賦知誰和漢節心回不復看
俯仰乾坤正蕭瑟雲間身寄一枝安

五月十一日過璜溪訪馬文璧時同門呂德厚
具酒相邀衝雨夜歸明日文璧有詩見寄用

韻答之

因君懷抱未能開白鶴磯頭一棹來
江黑坐看飛雨至酒酣催趁落潮回
故人有約須重過野老無機不用猜
明日山瓶猶未竭當筵更擲左慈杯

支子

南風院落掃繁英蒼筤無人也自榮
五月六花開白雪

何年三粒種青城已將色染天衣重那惜香分水殿清
蝴蝶夢回聞更好酒醒夜半月微明

綠陰軒夏日書懷

錦水西頭處士家深林無徑綠陰遮窗前翠合書帶草
堦下紅開旌節花本藉居亭蘇老病屢從宴賞悅清華
一雙海鳥無機事日日飛來傍釣槎

客居

移家處士橋西畔六月蒲蓮暗野塘乳鴨成花能黑白
風蟬隔葉自宮商買田不待沾微祿垂釣須教具小航
自比成都浣花叟旁人應是笑清狂

風涇定光寺周回三里皆荷花彷彿有錢塘西

湖之勝與筠谷高士同賦附考風涇
婁縣鄉名
南風隔浦聞花氣
菡萏紅開十里花
宮女三更環白帝
洞庭千頃落明霞
鑿池不待煩靈運
載酒渾疑過若耶
何日與君追勝賞
滿船明月唱吳娃

題劉商觀奕圖二首

日落青山未了棋
兩翁渾似海僧癡
不辭虎口方爭險
曾取龍牙會出奇
春在洞天應不老
路經石室到今疑
老樵若悟歸來早
物外神仙豈復知

爛柯山頭生白雲
爛柯人去世空聞
楸枰有路縱橫引
石子如星黑白分
寂寂中流方對壘
迢迢出塞未成軍
當時一著安劉氏
四老應宜策上勲

初冬口號

朝來吉語解離憂四海銷兵戰伐休地闢堯封皆內屬
江通禹鑿已安流復見老生談俎豆遂聞壯士脫兜鍪
種瓜好覓青門地我亦爲園學故侯

答宇文仲美

五兩夜逐秋鴻徂十年辟兵無定居君今不奏子虛賦
我亦終返班生廬蹲鴟如斗足野飯江魚斫玉分王餘
更種南山豆一頃試看兒子帶經鋤

冬日漫興

天陰十日猶未解臘月荆揚氣候偏雨合樹聲來夜半
風催花信立春前酒徒已老今何處狂客不歸殊可憐

山茶一株欲爛熳百壺畱我醉新年

乙酉立春

今朝獨酌黃柑酒海曲逢春且自寬老愛陶潛家栗里
貧如杜甫客雲安身輕不佩將軍印髮短猶勝隱士冠
試筆更題新帖子風光無處不宜看

正月二日偕邵箕谷過呂德常宅留飲

東風十日消殘雪溪上水深三尺高同舟爲覓故人去
閉閣不放老兵逃銀甲彈箏促雁柱玉盤縷肉鳴鸞刀
夜深更盡百杯酒莫惜淋漓宮錦袍

聞夏士文南歸喜而有作特先寄之

傳聞正月樓船發靈鵲先人到竹扉窳厥殘兵河外徙

慕容諸客海邊歸
山花雨過紅于酒
江草春深綠染衣
從此高歌太平日
往來林下定無違

寄陳性天二首

西嶽雲臺陳處士
移家秋浦四無隣
光生虛室渾如雪
夢在清都別是春
搗藥或聞林下鳥
看花長悞世間人
我來更乞胡麻飯
爲爾題詩滿綠筠

汎掃天壇事老君
即從年少悟奇文
青童汲井朝分乳
玉女裁衣夜染雲
水上赤魚還可駕
山頭白鶴自成羣
遙知客去能長嘯
月冷天空半嶺聞

三月五日飲於性天所有紫牡丹一本三花不

山茶一林意池館丘墟之後復見於此

山...米意池館丘墟之後復見於此

名花新剖麝囊開與客花時踏雨來越土一枝分閬苑
春風三朶出瑤臺朝雲重壓珊瑚樹宿露低傾瑪瑙盃
重憶當時歌舞處五侯池館錦千堆

雨中書懷

漢苑秦宮跡已陳金沙一簇為誰新山河有恨空懷古
風雨無情只送春南國鷓鴣愁北客東家蝴蝶過西隣
尊前莫唱昇平曲白髮秋娘也自顰

過滄洲有感

駟馬橋南曲逕賒可堪重過故侯家青袍杜甫從漂梗
白髮劉郎怨落花憔悴已看身似鶴娉婷不見髻堆鴉
野芳亭上春猶在獨坐吟詩到日斜

讀胡笳曲

百年已到甲辰終，休倚山河百二雄。
八駿何勞巡海上，一龍今見起江東。
專門學士空談道，仗鉞將軍競策功。
忍聽胡笳舊時曲，此身飄泊歎秋蓬。

雨夜獨坐

天陰十日不見星，蟄龍欲起驅雷霆。
大風五月忽動地，急雨三更如建瓴。
翦燭西窗還獨坐，辟兵南國幾時寧。
可憐骨肉永相隔，滿樹秋聲誰與聽。

秋思三首

兩河兵合盡紅巾，豈有桃源可避秦。
馬上短衣多楚客，城中高髻半淮人。
荷翻太液非前日，花落蕃禧又暮春。

莫上高樓望西北，遠山回首學奉心。顰

城中高髻半淮人荷翻太液非前日花落蕃禧又暮春

莫上高樓望西北遠山猶學捧心顰

翠柳無枝拂御堤風來閭闔更淒淒玉籠別主鴛鴦拆
金井啼秋絡緯齊水上拾紅韓氏女牕間織素竇家妻
傷心又送韶華去直似黃河不向西

悵望知音阻漢臯海門秋水欲成濤鷓鴣未肯隨胡雁
燕子長教避伯勞錦繡莫酬青玉案琵琶空續紫檀槽
可堪獨閉簾櫳坐花影鋪堦月正高

雨夜

寒夜悲吟似夜蛩銀缸何事結花紅愁聽風雨三更盡
夢在波濤一葉中神女佩環歸楚館鮫人機杼靜珠宮
連陰未解何由旦翅濕南飛萬里鴻

至日二首

獨客無家望轉迷
山空木落氣淒淒
愁催短髮渾如鶴
病覺長身不稱犀
書斷薊門天萬里
棹經秦樹雪千溪
何由去學神仙術
一鼎丹砂夜自泥
日上扶桑曉色紅
閉門慵似杜陵翁
干戈送老甘人下
江海生春尚客中
雪盡南枝開大庾
天回北斗挂崆峒
試傾百斛蕪城酒
未歎飄零兩鬢蓬

送桑子材歸麋塘

書囊未了復晨雞
歲暮扁舟出大溪
司馬倦從枚乘客
伯鸞欣對孟光妻
山通石屋風煙合
海接天河日月低
一路梅花千樹雪
春來約我酒重攜

十二月十六日雨雪至十九日大雪次韻陳仲

謀

滕六春前試出奇三吳人賀太平時
空山何處鑿黃獨
半夜無風雨白菴梁苑一時賓客盛
藍關千里逐臣悲
老夫坐看縱橫落醉擁鳶肩日賦詩

十二月廿六日蔡叔庸至翦燭聽雨

水氣昏昏接海邊清江狂客繫吳船
天風十日河冰碎
夜雨三更瀑布懸寂寂春光歸柳上
匆匆離色在花前
故人著屐能相過翦燭西窗話昔年

清江貝先生詩集卷七

蕭云貝去主結果恭小

姑入蕃與誰昨戲蕭歐西曾請昔年

亦雨三魚影亦想深定春去聽林土如形轉自谷外前

水餘石石新我對南山珍香發又張文風十日清木新

十二月廿九日

茶夫坐香蠟蘇

半郊無風雨白

都六春前着出右三吳人買太平神空山何處對黃

燕

十二月十六日雨雲至十日大雲

清江貝先生詩集卷八

七言律詩

元夕

夜醉城南酒百缸
春來端使客愁降
障開雲母東西一
燈射琉璃日月雙
鐵笛仙人傳麗藻
金釵小妾度新腔
歸來誤作三山夢
月色如冰白滿江

郊居

背郭茅堂低入燕
通邨小徑曲縈蛇
碧雞坊裏詩人宅
石鼈崖前刺史家
流水暗通三徑竹
曉雲濃掩一溪花
他年著我林間老
垂釣共分瀾瀾沙

紅棊

清江言集卷八
時世新妝學內家
漁人錯認武陵霞
百年艮嶽空留樹
一夜春風為染花
月裏嫦娥羞素服
山中仙客餌丹砂
也知丰骨依然在
雪後黃昏瘦影斜

蜀山圖

連峰接岫寫秦州
雨洗蛾眉積翠浮
石出劒門皆北向
水通鹽澤自西流
松頭一片秋雲溼
鳥背千盤細路幽
策馬匆匆度關客
何如漁父一扁舟

庚戌中秋九思主人置酒予泊景淵副使子仁
理問同會時風雨驟作抵暮旋止天無餘滓
華月東出相與聯句十餘韻皆大醉就寢遂
忘所詠因復成一律

溪雲通月轉金盤石上移尊興未闌可惜少年今總老
莫辭良夜試同看玉人不得攜王趙詞客猶能敵孟韓
細數中秋知又幾松花新酒更須乾

歸及山寄楊德中丁一鶴

及山即與浣花同犬吠雞鳴處處通卜宅定如唐杜甫
剖符須得漢文翁荷欵夜雨衰猶綠棗落秋風熟已紅
一鶴道人今可過九龍山客試相從

庚戌九日是日聞蟬

今日出門風雨收東山西山須可遊那能束帶從王事
且復開尊破客愁鴈別紫臺初避雪蟬鳴紅樹不知秋
桃花細菊應相笑歲月無情自白頭

木芙蓉

萬里名花蜀上分，澄江渾似錦江濱。
夜承仙掌三清露，春剪巫山一片雲。
未許王家誇少婦，還從卓氏妬文君。
所思欲寄知何處，鴈斷天南日色醺。

寒夜憶梅擬西崑

星河西轉夜初長，夢斷羅浮月在梁。
青女五更欺病骨，玉人千里割愁腸。
銅龍水滿聲催漏，絳蠟花銷淚作行。
明發南枝應有雪，試從樹底覓春光。

次韻陳仲謀

一夜秋霜入鏡中，靜觀諸妄已圓融。
禽自託寒枝小，病馬猶思碧草豐。
出海雲霞無旦暮，經天日月自西東。

危樓獨倚無窮思
心事何人得與同

次韻楊鳴鶴

玄圃滄洲願未酬
倏忽光景豈能留
江草江花還刺眼
春風春雨又從頭
已知出處非同調
且擬登臨爲寫憂
君看南山盡松柏
英雄何處葬眠牛

發草試筆

宮花無意插烏巾
暫到金門遂乞身
不用天官書上第
已蒙學士喚山人
葛洪井畔應堪老
范蠡湖邊又見春
重賦遂初慙造化
狂歌痛飲樂吾真

遊硤石西山訪達上人坐天開圖書所爲設酒

脯

清明無雨試登山丹井西頭一叩關石戴樓臺飛鳥外
天開圖畫白雲間杪樞樹合陰初綠躑躅花殘色尚殷
却喜遠公能置酒老夫為汝一開顏

再用韻畲古道

宮殿如波湧兩山上方不與世相關望窮弱水三神外
夢在匡廬五老間茶烹土銚旗槍碧酒瀉銀瓶琥珀殷
聞有仙人葛洪井丹砂乞我駐紅顏

送王熙易奉使安南

持節遙通五嶺南酒闌插劔氣猶酣海風不洗春冬瘴
山雨長和旦暮嵐玉盃白浮椰子重金盤紅擘荔枝甘
紀行定賦詩千首蠻語時同父老談

京師雨夜呈宋景濂學士王子充待制張孟兼

主事

昨夜歸心已到吳，秋風相趣理荒蕪。
蓬蒿一畝揚雄宅，桑柘千家范蠡湖。
但覓丹砂扶老病，那能白髮事馳驅。
題詩爲謝京華客，秦駐山頭一腐儒。

丁一鶴病愈見寄然且戒酒次韻荅之

千年遼海歸來鶴，骨相依然玉雪清。
康樂愛山元是癖，淵明斷酒信非情。
鄰人問字時時過，野老知名處處迎。
三月閉門纔一出，南風萬頃綠疇平。

送楊鳴鶴還鴻山

慷慨長歌行路難，何鄉堪借一枝安。
黿鼉吐浪江湖闊，

清江言集卷八
四
蟋蟀近人天地寒田父朝攜新酒送山妻夜補舊衣完
只應去逐梁鴻隱萬壑風煙試獨看

題材上人遐觀樓

上方臺殿湧波濤萬里無雲見羽毛滄海一杯流地底
雪山千仞小秋毫天邊作客登臨倦夜半驚人笑語高
猶有秦川公子筆為君題賦擅風騷

龍江道中

長江風浪走高桅白首西遊第一迴五色文章龍虎氣
六朝形勝鳳皇臺草生白下連天碧花近清明滿地開
一路好題詩百首金閨使者不須催

送韓伯時歸山陰

中書落筆萬人驚奉檄東歸也自榮十葉相傳忠獻貴
一官初授廣文清春歸故國花都謝雨過空山蕝已生
亦欲相從涉江去千巖萬壑杜鵑聲

贈王廷威

江南文物三槐後傾坐郎君有阿戎酌酒初逢李監宅
說詩頻過杜陵翁騏驎裏歸天育結綠縣藜待國工
插架書多須可讀日長山院杏花紅

壬子春二月丙戌天雨新霽卉木向榮遥睇紫
微復動遊山之興因述一首奉寄一鶴子材
四山金翠復東良佐諸友泊古道明遠大用默菴方外
東風日暮交以訂其約云

東風日夜催花發花滿溪南路不分二月鰲黃成鼓吹
四山金翠掃煙雲題詩尚憶維摩室酌酒重登帝子墳
如此風光君莫負畫船歸載石榴裙

寄糜孝子

幽湖老人七十餘一身如蝨隱圖書朝廷不起常夸甫
鄉黨已知徐仲車海燕定巢來屋裏林鳥得食上階除
雨晴有興即相過一葉小舟通竹渠

寓幽湖客舍

附考桐鄉縣志范蠡塢在濮院相傳少伯泛湖同
西施過此宋景濂濮川八景詩有幽湖明月一首

我無太古明星宅白首西東寄此身已免崎嶇投劍外
敢辭寂寞老江濱枇杷結子初肥雨芍藥畱花不見春
萬古乾坤同逆旅兩山風月屬詩人

送朱顯道赴濠上

將軍五月過盱眙雪浪樓船快馬馳
天地重開新造國山川多紀壯遊詩
千屯霧合耕耘處萬里星奔貢賦時
却向秋風候旌旆南還莫負鴈前期

試院中和常景元韻

野老何知近上台高堂夜坐曙鐘催
采珠滄海元無價懷璞荆山信有材
三月龍門須快躍五更魚鑰未曾開
却思年少多英氣也赴槐花此地來

中秋試院和馬新仲是夜無月

花落銅盤蠟炬殘風簾讀卷未能安
地分甌越秋多雨人在蓬萊夜更寒
敬禮每煩陳俎豆清談仍喜接衣冠

獨無仙客知微術天柱峰頭借月看

九月望日錢塘瑪瑙寺僧照覺原過幽湖讀書
所出示詩數篇因其別也走筆爲贈且有紫
微山之約云

野老讀書溪水南渾如杜甫百花潭安得仙人來七七
且從禪客語三三山多秋雨都荒菊樹著新霜未熟柑
更約葛洪丹井上好詩連夜爲君談

癸丑元日喜雪因攜酒過來青堂招諸生共飲
夢覺黃雞唱已三隔窗聲碎飼吳蠶驚風夜半愁回北
瑞雪春前雨過南攜酒試從田父飲買花那稱老人簪
豐年有象應堪卜滿意來青共笑談

寄材大用言默菴陽明遠

寄材大用言默菴暢明遠

中秋看月醉流霞月裏杪櫂又落花老去緇經思古寺
春來乞食向誰家三山弱水元無路七寶恆河更有沙
他日升堂重論法莫嗔身坐白牛車

臨平道中

三月六日好天氣臨平湖上酒船開青山如鑿自高下
白雲不收時去來道上看花多躑躅林間伐木到楊梅
如何也趁西風燕遠過錢塘又一迴

一鶴道人回爰山未遂盍簪先以詩寄之

三日不見已爲踈別來忽復一秋餘樵李城邊又回鴈
桃花水生初上魚可無薄酒試畱客定有新詩能起予

絳蠟雙葩連夜結即聽鳧鳥到堦除

送王克讓歸湖南侍親并柬李中卿縣丞

五兩風生楚客歸夢魂先已到庭闈九疑舜冢蒼梧野
三國周郎赤壁磯天地茫茫人自老古今歷歷鳥空飛
若逢李白煩相問別後平安二字稀

五月三日登閣東望西溪白蓮燦然如雪徒倚

久之為賦

地清無暑即蓬萊高閣披襟亦快哉楚樹日沉風北起
鍾山雲合雨東來枇杷子熟三時過菡萏花高一色開
今夜夜涼無限思吹簫人在鳳皇臺

送趙澤民歸越中

天末秋風生白蘋，連環入夢客思親。
蛾眉下嫁終傾國，猿臂須封莫問人。
禹穴讀書今幾歲，蘭亭載酒約新春。
翰林供奉如相問，爲說愁添雪滿巾。

送江西僉憲趙宗典移守合州

今日梯航萬里通，使星一點向秦中。
蠻夸十月無冬雪，山水三巴有閩風。
須可賦詩邀杜甫，即看爲政似文翁。
珠還合浦元非異，但慶三田黍稻豐。

送朱伯良赴隴西縣丞

鞏昌風俗今猶古，城郭弦歌足幾家。
渭水北來同穴近，隴山西過武功賒。
天連苜蓿荒秋雨，地種葡萄壓紫霞。
更喜清官有朱邑，明年新政萬人誇。

送莫彥英赴賓州上林丞

十月西征天氣寒
兩江今日靜波瀾
蠻夸萬里皆唐制
齊魯諸生盡漢官
榕葉似雲垂滿戶
荔支經雨喜登盤
柳州刺史文章妙
公退從容好細看

送醫師張仁齊

縣壺長向市中藏
海底龍公夜授方
廬阜仙人知董奉
長安女子識韓康
藥存九轉芙蓉暖
松化千年琥珀香
暫到京華即歸去
一毫榮辱總相忘

贈龍虎山鄧子方鍊師

鬼谷仙人弱水東
身騎一鶴御青童
坎離龍虎蟠金鼎
日夜神明守絳宮
筆埽琅玕三竺雨
琴彈霹靂滿林風

白頭欲問長生訣笑我京華尚轉蓬

二月一日病中口號

新年尤苦病相侵白髮無端自滿簪
五柳先生蓮社約四明狂客鏡湖心
滿城風雨花時過曲水東西草色深
明日兩峰茅屋下故人持酒一開襟

送楊九思赴廣西都尉經歷

邛笮康居路盡通西南開鎮兩江雄
漢家大將推楊僕蠻府參軍見郝隆
象跡滿山雲氣白雞聲千戶日車紅
明珠薏苡無人辯行李歸來莫厭窮

新晴

扶桑日上海門東野綠山紅在眼中
流水轉龍分別浦

清江詩集卷八
九
斷雲如鶴趁歸風雪色一時開
菑菑秋聲五月到梧桐
白頭病客鄉心折獨愧登樓賦未工

送朱質夫赴寧遠知縣

萬里番禺自漢通
乘槎有客氣如虹
地分銅柱風煙外
山湧瑤臺雪浪中
帝子旌旗何處問
黎人衣服與時同
興來好和蘇公語
又度西南月半弓

梅泉處士虞長卿挽詩

先生出處任乾坤
四十不登金馬門
長者已稱如石建
孤臣終惜棄虞翻
天寒柏樹無乾淚
月落梅花有返魂
季子繡衣霄漢立
風流文采喜猶存

送詹同文承旨還鄉

奉天殿下親承詔
老著黃冠出紫薇
萬里雲霄雙鶴去

奉天殿下親承詔老著黃冠出紫薇萬里雲霄雙鶴去
時內苑九江風浪一帆歸春前載酒黃泥坂月下吹簫赤
縱二鶴壁磯文采昭回看帝製山中草木盡光輝

贈韓友中

雨花臺下古仙客門俯百尺玻璃江青山偃蹇自相伍
白鳥浮沉時一雙天寒鑱藥龍蛇窟夜永讀書風雨窗
紛紛市人不足數與爾笑談傾百缸

和張思廣九日韻時王景行有約阻雨不赴

秋藕無花寄斷絲拒霜猶學漢宮姿錦袍江令還家早
白髮秋娘對客悲剩水殘山畱勝槩酸風苦雨失幽期
未慙寂寞陶彭澤更把黃花盡一卮

鳳凰臺

鳳皇一舉周八極金陵猶有鳳皇臺萬年龍虎自蟠踞
此日鳳皇須復來隴西太白已無跡江左夷吾真有才
登高送客多古意長歌慷慨共持杯

秦淮對月

大江流月浩漫漫一鶴南飛尚未安素練秋垂銀漢闊
神珠夜吐貝宮寒胡雛感粟霜中起商婦琵琶水上彈
惆悵故人千里隔小樓十二獨凭欄

送呂元振歸四明

千里東歸訪故園春深滿目野花繁山橫鳥道如龍轉
水落蛟門尚虎蹲賀老風流誰復繼舒公氣節更須論

故人爲謝崔文學何日聽詩酒一尊

乙卯清明日偕馬新仲李守中劉志遠遊聚寶

山過泐季潭長老三塔院飲於志遠宅

城南看花花正開清明微雨灑塵埃路從周處臺前過
山轉曹彬廟下來隨地遊絲輕復起近人嬌燕去仍回
高歌擊節狂歡賞共盡三春酒一杯

次韻夏士文

故人不見十年餘長憶故人看舊書直從渠象山頭至
相過鳳皇城裏居白雪翻匙共野飯銀刀出網分河魚
從來陶令苦迂僻只擬東臯歸荷鋤

題王顯宗巡歷圖

清江言集卷八
六月霜威見直臣繡衣玉斧大同巡山分駝脊高中土
路折羊腸恐遠人今日邊戎應辟馬從來漢使獨埋輪
白頭校字慙年少為客京華又一春

分教中都

中都學舍今百區聲教遠及萬方初新羅百濟亦遣子
期門羽林皆讀書一時復見制作盛四境已安攻戰餘
老夫竊祿愧無補惟解區區校魯魚

苦雨淮水泛溢往來不通緬懷南京故人劉子

憲

寒猶挾纒思南國老更看書坐北窗白雨三時如倒海
黃流一夜盡成江榴花支子開無數瀟瀟鷓鴣驚下作雙

天上故人何日見劒心詩思未能降

黃河一夜盡成江
榴花支子開無數
瀕瀕盧鷺下作雙

天上故人何日見
劔心詩思未能降

次韻方文敏秋興五首

地拱皇陵松柏深
君王法駕幾時臨
漢宮甘露曾聞昔
周室豐年豈自今
太史已刪金匱錄
詞臣應製鳳臺吟
憶陪仙仗干官入
春日新鶯在柳陰

一日龍飛濠泗間
橐駝牛馬走闡顏
已來肅慎通滄海
更却呼韓閉玉關
使者旌旗分道出
將軍部曲凱歌還
白頭野老知何事
紫氣常瞻萬歲山

天限長江雪浪浮
臨江百尺起朱樓
春風秋月歸新恨
楚水吳山憶舊遊
巴沃腥臊無朔漠
從來壯麗有西州
萬年大業如磐石
四海諸侯盡綴旒

錦城春色醉芙蓉甲第樓臺有幾重
萬里黃河遙北注一丸函谷小東封
生常客寄悲工部老托官聯忝辟雍
始信童謠應千古浮丘一馬化為龍

西湖一雨始知秋水碧山明散客愁
何日仙人留白石當時宋祖戰清流
銀河接地西南界玉氣通天日夜浮
懷古登高無限意暮雲千里重回頭

丙辰元日時在鳳陽趙穆仲方文敏王繼遠枉

騎相過

今年元日漢鍾離著處簫鼓太平時
老夫畏酒復多病好客到門能說詩
春前春後雪纔見水北水南花更遲
却憶華堂高會處玉盤纖手送青絲

却憶華堂高會處
玉盤纖手送青絲

題洪大隱傳後

黃冠野服共逍遙
七十何曾諳市朝
傾國楚妃端不嫁
入山商皓若爲招
田中雲實收雙玉
樹底風聲厭一瓢
化鶴却歸遼海路
上林無處問漁樵

賦晚菊黃白二本

引蜂勾蝶過紅牆
千葉新花只道妝
仙質曉勻胡粉白
御袍秋染鬱金黃
東家欲鬪西家豔
十日元同九日香
可笑當時彭澤令
清如楚客在瀟湘

秋日漫興

青楓葉赤雨新霜
倦客栖栖自一方
已愧公孫疎學術
浪傳司馬擅文章
天寒老驥愁長路
日落孤鴻沒大荒

何日兩山陪野叟一談一笑共相忘

次韻楊秉哲錄事見寄二首

堯封北盡薊門寬
執戟楊郎喜調官
幕下賦詩諸客避
馬前射鴈一軍歡
人才今日收孫楚
相業從來許謝安
無限江南好山色
他年歸約老夫看

一曲西湖罨畫間
花時載酒正紅顏
鄒枚上客團車蓋
燕趙佳人結佩環
甲第樓臺分處處
南朝事業尚班班
傷心可得重行樂
空愧沙鷗白鷺閑

病中寄方文敏

一秋已過春復回
柳條梅萼定相催
淮南病客惟高臥
雪後故人今不來
詩卷暮年愁總廢
燭花清夜喜還開

東軒風月與誰賞
新酒雙行琥珀杯

雪後故人今不來
詩卷暮年愁
總廢燭花清
夜喜還開

東軒風月與誰賞
新酒雙行琥珀杯

早春寄黃仲真

樂全先生七十餘
樂全堂深花事初
山中酒熟試畱客
竹裏日高時讀書
黃冠野服真自稱
赤車駟馬今何如
相知還有惠施在
適意共觀濠上魚

鳳陽晚春

愁聞杜宇還催客
老向鍾離又過春
洞隔水簾迷絕境
山名雲母憶仙人
牛羊自放空邨晚
燕雀交飛甲第新
載酒看花同一適
百年蝴蝶夢中身

送馬伯溫之廣西

樓船椎鼓發江中
昨夜檣烏喜北風
可惜春歸還送客

何知別後已成翁浮天雪浪三湘闊到海雲山百粵通
有子漢陽專簿領一緘千里託飛鴻

送王用中歸金陵以有親迎之期因并及之且

戒其進學

王生別我向長干門地從來盡達官水落瓜洲初鴈到
山圍建業尚龍蟠秋風客路嘶驄馬月夜仙壇會彩鸞
金印虎符來未晚莫忘重把舊書看

賦西山爽氣亭二首

屋外雲山走海濤商歌扣角氣猶豪把琴有客尋陶令
拄笏何人記馬曹生厭市聲從地僻老增詩興敵秋高
九峰三泖何如此金谷池臺半野蒿

朝朝攬翠一凭闌田里從教嬾不冠夢破喜聞秋雨霽

九峰三泖何如此金谷池臺半野蒿

朝朝攬翠一凭闌田里從教嬾不冠夢破喜聞秋雨霽
神清疑對雪峰寒霓裳琴曲傳三疊石鼎車聲出九盤
南北驅馳亦何事西方塵土沒征鞍

送王以寧歸建德并東魯道原

睦州城郭風煙外亂後衣冠喜尚存山倒半江雲氣合
灘回七里浪聲喧讀書才子初還舍買酒鄰翁盡到門
相見魯公勞問信春秋何日試重論

方文敏惠二白瓶及新茶土鐵

建溪春茶風露潔赤城海錯波濤腥老夫不費百金字
遠道忽來雙玉瓶古井汲泉動夜月高堂酌酒呼張星
江瑤荔支亦可並旣醉高歌誰與聽

聽松樓

忽從何處聞蕭瑟樓外長松一萬栽
隔屋嘯歌聲自和滿山風雨夢初回
華陽真逸元同趣太白仙人信有才
貴客焉能辨天籟哀絲豪竹送蓮杯

留別陳敬夫

天低海上山如黛雪盡淮南柳未黃
浩蕩春光還自好飛騰暮景爲誰忙
膏車秣馬歸應急把酒論詩樂未央
明發匆匆又南北有書時託塞鴻將

寄燕府錄事楊秉哲兼簡新民蘊德二紀善

西蜀楊雄苦著書相逢長憶武林初
盧前王後名非忝楚尾吳頭跡更疎
花柳春連朱邸靜星河夜落大江虛

已知老病慙英俊且復從容好曳裾

楚尾吳頭跡更疎花柳春連朱邸靜星河夜落大江虛

已知老病慙英俊且復從容好曳裾

題梅軒

枝南枝北花無數夢在羅浮海上村白雪已空天下色
黃昏曾返月中魂水仙樊子宜相近瘴雨蠻風定幾番
今日賦詩須我輩何人東閣與重論

洪武六年五月初一日早朝奉天殿時西域國

師來朝蓋前代所未有也目擊盛事因賦

中天宮闕絢琉璃五丈高懸日月旗天子萬年當玉座
國師五月拜丹墀御爐不斷龍涎噴宮扇初交雉尾移
江海小臣陪百辟白頭今日覩朝儀

爰山隱居夏日

病客從教嬾出邨
兩山一月雨昏昏
野花作雪都辭樹
溪水如雲忽到門
無復元戎喧鼓吹
試從田父牧雞豚
來青處士時相過
猶是平原舊子孫

清江貝先生詩集卷八

今日願言...
黃昏曾...
卦南卦北...
賦詩傳...
日吹...
...

清江貝先生詩集卷九

清江貝先生詩集卷九

五言排律

書事二十韻

父老歌延祐君臣憶至元清光回日月喜氣入乾坤不
意經淪喪相圖事并吞橐駝空大漠騏驎死中原浪信
傳三捷深憂病七奔關中防豕突河內且蜂屯流血今
千里傷心遠五門羽衣悲弟子寶玦泣王孫管葛真難
致孫吳莫易論如何輕大業俱是竊殊恩近報中台坼
遙瞻北極尊狐狸號白晝魑魅嘯黃昏貢賦時時急征
徭處處繁故園荒草迳何處覓桃源野外朱旗閃城頭
畫角喧飄零從老去局促偶生存醉憶劉琨舞狂興阮

籍言登臨空灑淚去住總銷魂水國秋鴻落霜林夜鵲
翻相知共南北不得問寒溫

李子庚挽詩

屢入元戎幕曾陪御史驄一身辭汶上萬里入閩中東
觀文章妙西州將略雄艱危真自許敢決更誰同斬馬
求蕃劔號猿拓楚弓行師百道靜破賊兩關通擬復堯
封大重開漢業隆觸蠻猶可鬪鷹隼若爲籠重霧朝埋
日長星夜隕空柱天徒有志填海竟無功已竝田疇義
皆知葛亮忠江風吹獨樹山月照幽宮英氣寧爲土神
光或吐虹尚憐諸子在國士有遺風

黃灣述懷二十二韻寄錢思復

附考黃灣
屬海寧

海岱初雲擾荆蠻遂土崩王公甘久辱奴僕盡同升遠

海岱初雲擾荆蠻遂土崩王公甘久辱奴僕盡同升
遠適將妻子端居謝友朋草堂森苦竹瓜圃蔓寒藤
地盡山光斷天昏海氣蒸夜深常畏虎秋後更多蠅
鶴髮愁難理烏皮懶自凭娉婷羞不薦齷齪怯先登
拔劍歌誰和聞笳寢復興過逢欣已絕疾病恨相仍
自擬秦民去重煩魯使徵吹毛多見摘刺舌尚須懲
耆老惟君在文章對客矜才全懷白壁道重比朱繩
虎榜名非忝雞林價盡增極知童子陋深愧大巫稱
最憶春停騎高談夜翦燈病駒終棄擲生鶻必飛騰
跡已從信屈時多任愛憎賦詩閒莫廢好事老猶能
漢月今頻滿天河本自澄山陰有孤棹雪下興還乘

題空翠軒

萬竹如雲盛琅玕起石邊分枝巢翡翠解籜化蜿蜒黑
映瀟湘雨青浮鄴杜天含滋團隊露倒影漾清漣不奈
蟬號夜深期鳳至年小冠知隱者虛室候神仙月上南
榮坐風清北牖眠辟魚乾縹帙海鶴操朱弦結友多裘
仲封侯薄渭川忘形日相對秀色更娟娟

丁未除夕

東風來日本北斗辟玄枵坐竝華榭蔭班違紫禁朝清
觴陶令節明燭炳通宵曲付蛾眉唱香添鵲尾燒俗傳
讎逐厲事類博成臬舊疾應全減新歡且共要壓城雲
暗度侵幔雨斜飄紅拆叢梅萼青緘弱柳條明朝還獻

歲更頌玉盤椒

暗度侵幔雨斜飄紅拆叢梅萼青絨弱柳條明朝還獻

歲更頌玉盤椒

擬香奩八詠

黛眉顰色

纔歌愁易斂欲畫思難任雨過峰猶濕春歸柳未深漢
宮休競學秦鏡莫重臨不是嫌施粉翻疑病捧心曲如
天上月纖似樹頭禽盡日窺青鎖如何別到今

香頰啼痕

何限相思淚年年苦別離當春羞客見終日爲君垂落
粉和雙玉殘紅界一絲仙人辭漢日公主嫁胡時鳳蠟
流應少鮫綃拭已滋空彈銀甲盡却恨錦書遲

花塵春跡

清江詩集卷九
羅襪凌波小潛行輦路中東風吹不散南陌去誰同豔
想蓮雙拆痕留月半弓定知爭拾翠應怕踐殘紅喜蝶
無情撲靈犀有意通如何珠百琲小妾妬翔風

雲窻秋夢

朦朧欹玉枕蛩語夜何長羽化爲蝴蝶神遊躡鳳皇金
屏殘宿火翠被怯新霜不識天涯路相逢馬上郎關山
度遼水雲雨會巫陽不奈風鈴攪驚回月半床

繡床凝思

丁香花百結宛轉若爲生蛺蝶描初半鴛鴦刺未成重
將藕絲續獨看柳花行入戶羞雙燕停針怪一鶯乃知
天女巧翻爲雪兒輕困懶春猶劇無人識此情

金錢卜歡

天女巧翻爲雪兒輕困懶春猶劇無人識此情

金錢卜歡

字憶開元日清光尚自全不知人遠近猶似汝方圓一
別烏衣後三回白雁前芳心偷自祝吉語定真傳玉兆
符龜灼銀河待鵲填可能如子母無術學神仙

月奩勻面

新粧自時世寶鏡拂塵埃妬雪重施粉看花莫近臺春
風玉樹竝秋水白蓮開瘦怯空光照嬌憐顏色回初酣
妃子酒更點壽陽梅有約西園會鄰娃不用催

金盆沐髮

髮亂朝新沐蘭湯試手慵色衰空自潔人遠爲誰容花
委隨飛風水動浴蟠龍到地青絲滑掩月黑雲濃向日

晞初薄臨風綰更鬆休疑華山女此地復相逢

對雨

朝雲纔觸石夜月又從星霹靂開三峽滂沱覆四溟寬
憂稱兇爵志喜續麟經即恐蛟龍怒那知蜥蜴靈潤添
禾黍色清挹芰荷馨戰伐今應息謳歌且復聽常希流
麥鳳試聚讀書螢倚杖前邨望平波綠滿汀

辛亥歲燒燈日張彥臯攜酒相過與楊鳴鶴丁

一鶴陳仲謀及諸門生十有二人共飲因以
笙歌歸院落燈火下樓臺分韻賦詩余得歸
字

節過傳柑後餘寒襲故衣雪從梅上盡春向柳邊歸且

節過傳柑後餘寒襲故衣雪從梅上盡春向柳邊歸且

復從人飲何須密伎圍金吾猶不禁鸚鵡試頻揮上客
推文靖仙翁得令威交遊知有道笑語共忘機細雨朝
還作高雲夜不飛玉簫停鳳曲銀燭繼蟬輝但覺新權
洽應知舊事非莫辭同潦倒良會古來稀

壬子夏端居二湖與二三子讀書而苦熱如焚
一座四遷杜少陵發狂大叫非過言也回思
雲間時往來呂邵二族其地有林藪之美池
臺之勝可以避暑而遊士寓公咸會於此相
與窮日夜爲樂及兵變之後所至成墟海內
忘形半爲異物感衰榮之無定悼生死之相
違遂成三十四韻麤述其事云

地僻從吾放山深少客過昏昏蒸酷暑鬱鬱抱沉疴斷

酒愁為敵拋書睡作魔雲生空望雨水涸不通河唱和

聞蛙吹遨遊記鶴坡輞川移絕境瀑布激懸波數子論

新好諸翁樂太和百篇齊屈賈楊鍊崖五字逼陰何鄭本初共晒

佯狂徹魯道原焉知好辨軻馬文壁冰壺清莫比夏景淵鍊硯老猶磨

厚公子時同載夏士文將軍夜不訶邵箕谷結交真有道倪菊存與物

總無他倪耕閑每喜方舟坐何煩信馬馱秋風千戶竹宿露

半池荷席賭藏鈎令亭邀竊藥娥有賓月亭頗黎行凍蟻瑪瑙

進寒鼉潦倒衣從濕欹傾弁或俄胡雛能感粟漢女善

顰婆對舞翻朱袖羣謳歛翠蛾紛紛方大噓浩浩漸微

醜壺中恒三馬詩成愧一螺如何棄俎豆却復老干戈

落雁長淮遠蜚鴻大野多死生俱異域出處不同科淚

醉壺中恒三馬詩成愧一螺如何棄俎豆却復老干戈

落雁長淮遠蜚鴻大野多死生俱異域出處不同科
淚泣荆人玉腸回織女梭祇憐成骯髒及此歎蹉跎
室已如懸磬門今信設羅凌霄縈小草平地引危柯
水鳥浮沈戲林蟬斷續歌分甘留白屋身免束青緇
晚牧幽湖上春耕曲磧阿丹砂尋舊井金刹過祇陀
豈復同般樂應知廢切磋茫然感平昔興發強吟哦

丙辰立春日大雪二十韻在鳳陽作

正月淮南雪空花五葉纖隨風成唾玉平地出形鹽
重拆鴛鴦瓦輕穿翡翠簾色迷雲外鶴光掩月中蟾
河水冰猶合崑岡火復炎方圓知有道先後亦無嫌
歲旱今方劇春寒更覺添夜深聲淋瀝天近氣清嚴
鮫女愁停

杼雞人誤報籟一時延勝賞萬里入遐瞻路失羊腸曲
山呈馬耳尖炊煙空近市急溜斷虛簷林鵲飢爭啄川
魚畏却潛往來聽杖履歌舞起閭閻研凍詩重賦瓶存
酒試拈節高貧士臥時信老農占獨樹危能立枯黃潤
總沾宮妝梅粲粲野秀麥蘄蘄白首歌誰和朱門味可
兼謾思金帳客痛飲正厭厭

曉菴山水小幅

高堂見林壑忽似過雷峰窈窕一門險崢嶸千嶂重人
聲何處答虎跡有時逢怒瀑流清耳層雲起盪胸松枯
寒落子草碧暖勾茸勢出丹青假神疑造化鍾滄洲非
世外玄圃亦王封絕境須吾賞他年策瘦筇

七言排律

奉和鐵崖先生水仙八韻

千葉名花閬苑移，濃香百和爲熏肌。
玉翹半脫春如醉，翠袖輕扶夜更癡。
賦就陳王空自怨，珮遺交甫至今疑。
承恩不向金塗立，入道初將羽帳離。
步月有時羞素女，行雲無意妬瑤姬。
水邊寂寞誰能賞，林下風流總未知。
腸斷三生孤舊約，眼明萬槁出新枝。
朱絃五十閒瑤瑟，黃九爲君重賦詩。

題周伯昂水邨圖

愛爾讀書陽羨里，喬林古木五湖東。
山如城郭銅棺竝，水落田疇罨畫通。
野老猶能說周處，仙人何許覓張公。

清江言集卷九
園收橡栗霜初重飯煮桃花歲屢豐馬隊豈堪延祖企
草堂今復見盧鴻已知貢賦隨時給還笑衣冠與俗同
一艇微茫在煙浪采菱歌斷夕陽中

紅菊

日照東籬爛若霞誤驚春色到山家宮人曉磔葡萄酒
道士秋關躑躅花莫擅鴛翎欺白雪未論鶴頂養丹砂
霜中苦節知誰竝雨裏寒香只自誇寂寞也羞彭澤陋
風流還競洛陽奢移樽九日來同賞插帽休譏老孟嘉

鶴山親舍詩

并引

富春爲吳孫權之里權大父鍾嘗種瓜瓜美
有三客謁之鍾爲設瓜旣而指示鍾葬地化

鶴而去故名棲鶴邨其地有黃花洞世傳黃
石公所居洞有石床尚在每風雨輒聞兵甲
聲天霽則石床隱隱有文見可識琅函二字
余友李巨川與母隱於是遂題其室曰鶴山
親舍元至正中會稽楊鐵崖先生數遊洞中
必過巨川飲竟日忘返

我愛郎君似老萊移家歸隱碧山隈赤城舊令尋常過
白髮慈親八十開亂後桃花還自發秋深檜木更須栽
炊煙幾處相連接雲氣無時共往迴泉出龍蛇多枸杞
石蹲虎豹盡莓苔賞心最憶黃花洞亦擬他年跨鶴來

送馬本道赴穎上

清江貝先生詩集卷十

五言絕句

題畫

水通銀漢遠山對赤城高一曲瑤臺路春來盡碧桃

七言絕句

寄陳文舉四首

鳳皇臺下猶爲客雪滿頭顱一病翁却憶山人讀書處
月輪夜照水晶宮

秀州西去湖州近幾處樓臺罨畫間借我釣魚舟一葉
坐看七十二青山

金刀火齊元非物但取乾坤與坎離采藥芙蓉凌弱水

清江言集卷一
三山何路覓安期

當年我欲醫君癖今日君應笑我狂一曲雲林天定許
野猿山鳥未能忘

雨後偶書

海門雷電夜隨龍江黑風高雪浪春今日看山雙眼碧
插天金翠萬芙蓉

陳進善見過

南風綠樹午陰圓好客聯鑣過海邊可惜紅顏成白髮
風流却話十年前

對菊

高僧已送鷺翎白好客仍分鶴頂紅秋日兩株開爛熳

晚花元不嫁東風

別侯春燕

蓮子有心元自苦楊花無蒂若爲生錦機織字難成匹
玉局彈棋恨不平

勝南洲紅梅

龍門狂僧老萬回燕支常染玉堂梅木杯何日過東海
拾得海底珊瑚來

西湖竹枝

六月玉泉來看魚湖頭雨過盡芙蓉蕖花開郎更遠
玉泉魚少亦無書

贈小南枝

清江言集卷十
二
相逢彷彿在西湖
姑射仙人玉雪膚
春淺芳心渾未透
天寒翠袖不勝扶

城南絕句三首

祇樹園荒客不來
金銀猶指舊樓臺
風林日落烏爭噪
雪片春遲花未開

流水縈迴一道斜
隔林雞犬兩三家
雪深藥塢迷行徑
潮落春船閣淺沙

已從春草長
閑門風雨連朝不出邨
老婦煎茶燒土銼
故人送酒滌山樽

清明日三首

二月楊溪花亂開
黃鬚紫萼斬新裁
春到清明已如客

看花一日定千回

看花一日定千回

出門今日向何處
花惱山翁走欲狂
此身忽已過半百
直須爛醉答春光

北里南隣日日過
花開不飲竟如何
庭前昨夜暫相賞
地上今朝應更多

枯棘雙禽

山禽白頭如老翁
一雙相命復相從
秋田無禾苦不飽
下上胡爲荆棘中

道中見梅

烏龍井上初銷雪
白鶴山人又見春
須可百回來繞樹
莫教一片落隨人

東邨漫興二首

溪上秋風老拒霜居人星散似淮鄉誰家十五琵琶女
就客能彈陌上桑

八月雨多新水生邨南邨北斷車聲老夫不識市朝變
但與野人歌太平

茗溪陸文寶挾筆過雲間持卷求余言而一時
縉紳之作不啻百篇有論筆法自趙松雪用
落墨而始廢者有爲筆卦者近世庸學小子
率意妄作類如此可歎也已因賦五絕

近代何人下筆精吳興松雪最知名欲過大令歸前輩
競學中郎耻後生

吳興松雪真奇士書到通神逼二王謾有兒童誇竝駕

競學中郎耻後生

吳興松雪真奇士書到通神逼二王謾有兒童誇竝駕
更無弟子得升堂

退之作傳聊爲戲子雲草玄真好奇更有區區工畫卦
強分奇耦學庖犧

石鼓鐫功元自缺秦碑頌德久應訛一時篆籀今誰解
白髮江南玉雪坡

謾禿霜毫臨北海更求雪繭寫蘭亭也知不改無鹽陋
浪抹青紅鬪尹邢

立春後五日

北風夜吹碧海凍立春以來仍苦寒城南酒貴更須買
江上花遲誰與看

次韻邵筓谷暮春三首

處士渾同鄭子真
水南結屋與山隣
已從竹筍生旁舍
不遣桃花誤世人

一枕槐根午夢長
不知夢裏別春光
禽工唱和偏能熟
蜂苦經營也自忙

櫻顆紅垂山雨晴
荷錢綠卷水風生
佳人莫惜頻行傘
狂客從教醉絕纓

題紅梅

山杏一株臨大路
宮桃千葉倚空墻
如何冰雪羅浮女
也學春風半面妝

漫成四絕

今朝無酒只清坐
落筆猶有氣凌雲
天下黃金賤如土

漫成四絕

今朝無酒只清坐
落筆猶有氣凌雲
天下黃金賤如土
何人爲購相如文

東隣昨日收白骨
西鄰今日啼青娥
傷心又過中元節
城下招魂應更多

平生落落苦難合
十五讀書今老翁
却怕秋來添客思
梧桐昨夜又西風

南金大貝亦何物
六月胡商死道邊
滿地清陰日亭午
老夫高枕北窗眠

赤城呂徽之博聞強識
宋亡遂晦不仕一日大
雪中至巨家易穀立堂下
久之堂東偏衆客
方詠雪有分韻得蝶字者
苦思不就徽之不

覺失笑咸詰之曰汝何笑曰吾欲用滕王蛺蝶事耳衆客皆驚陰知其爲徽之也延之坐不可欲賙以穀辭旣去使人尾之至其居地極幽阻及雪霽候焉荆扉竹屋不蔽風雨見桶中坐一婦人蓋其妻也問徽之所在曰出捕魚矣得於溪上具言所以求之意曰諸子可少留乃換酒共飲返宿道旁大樓下主人怪輿馬之盛因言其狀主人亦不知有徽之也明日求之則已遷居矣徽之嘗與陳剛中相遇於道剛中下驢揖遂問乘驢故事各舉一事至四十事而剛中止矣徽之曰吾尚記

其事出某書凡二十端後不知所終

一事至四十事而剛中止矣徽之曰吾尚記

其事出某書凡二十端後不知所終

空山積雪深一尺車馬何來野老疑溪上捕魚歸換酒
更無人識呂徽之

別徐楚芳

別愁如劍割人腸空灑西風淚萬行楚尾吳頭各千里
相知從此不相忘

倪雲林小景

雲林筆力如王宰翦斷吳淞水半江更須著我扁舟坐
閑看飛來白鳥雙

聞箏

白髮潘郎工錦箏江南江北盡知名雙手重彈白翎雀

猶是黃龍塞下聲

巳酉重午

風雨端陽生晦冥
汨羅無處弔英靈
海榴花發應相笑
無酒淵明也獨醒

歸東郊偶成二首

愛酒狂生老未逢
十年蹤跡滯吳淞
歸來鄉黨都非舊
不及青山向我濃

海上逃生萬死餘
亂兵初定且安居
封侯萬里須弓馬
錯教兒童盡讀書

客及山偶成

春逐啼鶯去不留
一川風雨滿山秋
笙歌不到愁人耳

春逐啼鶯去不留一川風雨滿山秋笙歌不到愁人耳

若聽笙歌更淚流

過無錫

水抱新城缺月彎城頭高似九龍山將軍已縛山中虎
道上行人日往還

土橋

數家星散土橋西苦雨酸風叫竹雞一夜破窗愁不寐
願回白日照春泥

丹陽得風

出門平地即羊腸白髮應添鏡裏霜今日天風亦憐我
盡情相送過丹陽

題杏花

日光雲氣曉相參一路新花似酒酣記得少年遊賞處
春風信馬過城南

夜發

歸人不寢夜如何月滿溪船唱越歌彷彿吳淞江上路
別愁一夜上心多

三月廿五日夜口號

破鏡五更飛上天北林烏啼驚客眠勞生擾擾亦何事
溪女溪童相盪船

辛亥重午

去年重午憶嘉興風雨龍河一病僧今日山中又重午
故人持酒說金陵

辛亥七夕五首

辛亥七夕五首

子晉吹笙學鳳皇，緱山一別已千霜。
當時黃屋非無意，豈有神仙到帝王。

阿母西來降漢家，剛風萬里送飛車。
空留千載蟠桃核，白髮劉郎不見花。

五夜天邊輟鳳梭，長生殿裏望星河。
玉環他日無窮恨，更比牽牛織女多。

東家西家爭曝衣，我但曝書誇小兒。
壁中科斗古文字，猶有射天光陸離。

性拙如鳩本自偏，柳州何必更祈天。
人間機巧知多少，無復三皇五帝前。

澄林冬日

連邨桑柘猶存葉一樹枇杷已著花十月澄林好風景
恰如秋浦野人家

贈別

一南一北鳥辭母一東一西花送人與君此別似送鳥
對酒那不惜青春

讀書所有白花一株狀類揚州瓊花而花損一
葉俗稱爲八仙云爲賦一絕且悼璫花之不
復見而獨見此也

一夜東風吹白雪化爲蝴蝶過西家七香車遠人何處
空認唐昌觀裏花

十月廿九日過永昌寺訪照覺原

十月廿九日過永昌寺訪照覺原

幽湖水落夜初冰
湖上雲山翠百層
一箇小舟輕似葉
西尋瑪瑙寺中僧

春情

新來不畫遠山眉
翠被春寒起更遲
靈鵲定知人有喜
一雙飛上萬年枝

西湖竹枝

聞郎北過李陵臺
湖上荷花今又開
那似岳王墳上樹
枝枝葉葉盡南回

題松下丈人圖二絕

長松百歲走蒼蛟
日夜松聲如鳳匏
山人有約賦歸去

我亦來借白雲巢

仙人手曳九節杖行看好山應未窮石間三秀食可飽
一曲試和商顏翁

題扇

冰紈一尺寫修竹瑟瑟清風生夏寒不見江南鐵鈎鎖
總成石上青琅玕

題紅梅二首

紅羅亭下又春風小鳳飛來樹已空後主當時歡宴處
新花如火照唐宮

野橋山店記年時管領春風有一枝却笑羅虬不解事
百篇空賦比紅詩

早秋

白髮新來不滿梳
玉簫金管總成疎
梧桐院落秋風早
一夜神清喜讀書

題溪山春曉圖

仙家雞犬白雲中
水複山回路不通
萬樹桃花春似海
莫教重誤打漁翁

山家

鉏豆南山八十翁
相逢笑語夕陽中
門前一箇冬青樹
不學桃花似酒紅

題馬文璧畫二首

長憶秦溪馬文璧
能詩能畫最風流
酒酣落筆皆天趣

翦斷巴江萬里秋

田家一簇江南路
草閣柴扉近水開
人背夕陽巫峽去
雁將秋色洞庭來

題凌波仙

姮娥竊藥能奔月
羸女吹簫亦上天
萬古阿甄魂魄苦
江清雪冷夜如年

送成德琦兄北歸

雲中歸雁總成行
腸斷連枝尚異方
春滿江南江北路
柳絲不似別愁長

墨梅

雪後尋梅恐未真
花光一日寫花神
廣寒玉兔分秋穎

翦斷羅浮萬樹春

雪後尋梅恐未真花光一日寫花神廣寒玉兔分秋穎

翦斷羅浮萬樹春

夜宿王繼遠白雲半閒

吳歌但少玉童雙且盡仙家酒百缸一枕梅花清夢遠
不知夜臥白雲窗

題徐雪洲墨菊

先生愛菊似柴桑三徑歸來亦未荒莫道空山秋色淡
新花一朶御袍黃

題雙陸士女

手轉梟盧爲破顏玉人何意整雲鬟也應暗卜關山客
歸馬須看一擲閒

題虞魯瞻山水

御史新來水石工
數峰依約米南宮
試添茅屋秋林下
著我江南鶴髮翁

題東坡戴笠圖

兩屐新泥蒨笠欹
滿邨風雨獨歸時
玉堂天上神仙客
婦女兒童總未知

朱寔送桂花

廣寒宮裏杪櫛樹
金粟初分第一枝
滿室天香吹不斷
老夫清夜酒醒時

題竹間桃花

萬琅玕裏一枝春
向客無言又似顰
彷彿武陵溪上路
放舟何處覓秦人

終

放舟何處覓秦人

詩餘

漢宮春

細雨廉纖乍魚翻綠皺鶯哺紅甜那堪歸期總負別恨
還添榴花一點記重重繡戶朱簾人乍起玉釵半脫遠
山輕拂雙尖不道而今落魄怪朱顏頓改換得霜髯
無心新聲樂府舊體香奩傷今弔古但時時強擬江淹
渾得似春風燕子飛來也傍茅簷

瑞鷓鴣

風林初夜月輪高鳥飛不盡楚天遙一曲清江恰似瀟
湘路何處人家傍小橋十年空負歸來約已無舊杏
新桃謾思田父前時同在雞豚社日相招酒壓梨花醉

一瓢

應天長

吳仲圭秋
江獨釣圖

澄江日落渺一葉歸航渡口初泊垂釣何人不管中流
風惡西山青似削曠千里楚鄉蕭索問甚處更有桃源
看花如昨 往事總成錯羨范蠡風流故跡依約微利
虛名何啻蠅頭蝸角宮袍無意著但消得綠簑青蒞鱸
堪斫明月當天酒醒還酌

玉蝴蝶

極目江南千里故人何處一段傷心漠漠行雲纔霽又
作輕陰訴西風寒蛩近戶背落日歸鳥投林正秋深殘
山剩水應怕登臨難禁 多情總老流黃不寄尺素空

沈綠帶紅迷豈知零落到而今似丁香離腸暗結點白

山刺水應怕登臨難禁
多情總老流黃不寄尺素空

沈綠帶紅迷豈知零落到而今似丁香離腸暗結點白
雪衰鬢先侵思悵悵一聲羌管幾處鄰砧

玲瓏四犯

春情

江草江花總付與春風何處池苑露染煙裁依舊翠深
紅淺天氣漸近清明但覺比舊時都倦問此時脉脉誰
念惟有乳鶯巢燕
銀箏低按斜飛雁尚依稀小窗深
院珠簾日午重重下空鎖秋娘怨憔悴一束楚腰也定
怕蕭郎再見想夜深暗卜歸候把燈花翦

鎖窗寒

雁別衡陽春光已到去年時節河堤弱柳拂水萬條堪
結更無情東風幾番海棠一夜西園發但草深曲徑看

花人少亂飛蝴蝶 最是傷心切總過了花朝漢宮傳
蠟方回未老白髮那教成雪憶當時歌扇舞裙小樓十
二空夜月待重尋舊侶高陽喚酒攜桃葉

八六子

秋日
海棠

滿空山亂飄黃葉花仙特地衝寒恨薄命蕭娘嫁晚捧
心西子妝成恍然夢間 清明時節曾看院落早鶯猶
困樓臺乳燕初還悵過了韶華一枝偷綻拒霜爭豔斷
霞分彩空贏得人自先驚老去天應不放春閑倚闌干
春風別愁幾番

南浦

賦水光
山色舟

一葉小如鳧趁幾番樵風日日來往何處最堪看吳門

外都是白波青嶂斜陽半斂采菱尚有蓮娃唱謾載得

一葉小如鳧趁幾番樵風日日來往何處最堪看吳門

外都是白波青嶂斜陽半斂采菱尚有蓮娃唱謾載得
前邨月歸來人家三兩何須萬斛黃龍駕豔預矍塘
接天風浪空爲利名牽誰能似鷗夷散髮湖上秋行更
好鏡中新綠東西向雪寒夜靜定多在蕭蕭蘆花深放

漁家傲

早春

弱柳絨黃梅傅粉燒燈已過花朝近塞上歸鴻猶有信
飛成陣王孫一去渾無准院落沈沈人又困腰肢頓
覺羅衣褪兩點青山從淡盡君休問青山更有新來恨

西江月

元夕
二闕

夜月將圓寶鏡春冰已碎青瑤千門燈火近元宵一向
薄寒猶峭海上雙魚不至雲間彩鳳難招小樓十二

更蕭蕭白髮空思年少

十日催花雨過九衢著柳風輕城中何處不觀燈菡萏

夜開千柄 酌酒何辭湫澼吹簫更引娉婷如今海角

歎飄零落月半窗清影

風入松

一鈎初月小如眉又是去年時東風著意催花柳元朝

過休放春遲野老田夫共樂青山白水相宜 男兒了

事却成癡七十更何為也知七十從來少但從容把酒

論詩獨樂園中司馬雲臺觀裏希夸

鳳棲梧

一日思歸歸便許何

忘却歸來路春已無多風

又雨兆花柳絮軍無收 第四喬邊君庄否准肯當寺

一日思歸歸便許何

忘却歸來路春已無多風

又雨桃花柳絮渾無數
第四橋邊君住否
唯有當時月照傷心處
水滿洞庭飛白鷺
吹簫夜過西山去

風入松

踏槐猶記伴兒童
今日總成翁
十年不到西湖路
輕孤負秋月春風
回首桃花水遠傷心
燕子樓空
鴛鴦冶葉自西東
何處托流紅
繁華夢斷愁多少
都分付鸚鵡杯中
莫問今來古往
倚樓閒送飛鴻

水龍吟

春思

楚天歸雁千行
一書不寄相思苦
匆匆過了
踏青時節
更愁風雨
燕子黃昏
海棠春曉
幾番淒楚
問誰能爲寫
重重別恨
算除有江淹賦
尚記銀屏翠箔
把琵琶夜

調新譜芳年易度沈腰寬盡白頭如許弱水三山武陵
一曲重尋何處奈無情杜宇年年此日到淮南路

清江貝先生詩集卷十終

林中莫問今來古
葉自西來何處秋
寶林月香風曰
欲對餘情曾與
風入林
月照影公
文而淋淋
...





Vertical text on the right edge of the page, likely a library or collection label. The text is partially obscured by a red seal at the bottom.







